

言金 明唐卷之二
上詠神聖功書之碑碑高三丈字如手負以靈
鼇蟠以螭句竒語重喻者少讒之天子言其私
長繩百尺拽碑倒龕沙大石相磨治公之斯文
若元氣先時已入人肝脾湯盤孔鼎有述作令
無其器存其辭嗚呼聖皇及聖相相與烜赫流
淳熙公之斯文不示後曷與三五相攀追願書
萬本誦萬過口角流沫右手舐傳之七十有三
代以爲封禪玉檢明堂基

宏達典雅其品
不在淮西碑下

代贈

楊柳路盡處芙蓉湖上頭雖同錦步障獨映細
筍篔鴛鴦可羨頭俱白飛去飛來煙雨秋

燕臺詩

四首

風光冉冉東西陌幾日嬌魂尋不得蜜蜂房羽客
類芳心冶葉倡條徧相識暖藹輝遲桃樹西高
鬟立共桃鬟齊雄龍雌鳳杳何許絮亂絲繁天
亦迷醉起微陽若初曙映簾夢斷聞殘語愁將
鐵網罥珊瑚海濶天翻迷處所衣帶無情有寬

言金
窄春煙自碧秋霜白研丹擘石天不知願得天
牢鑲寃魄夾羅委篋單綃起香眠冷襯瑤瑁佩
今日東風自不勝化作幽光入西海

右春

前閣雨簾愁不卷後堂芳樹陰陰見石城景物
類黃泉夜半行郎空拓彈綾扇喚風聞闔天輕
帷翠幕波淵旋蜀魂寂寞有伴未幾夜瘴花開
木絲桂宮流影光難取媯薰蘭破輕輕語直教
銀漢墮懷中未遣星妃鎮來去濁水清波何異
源濟河水清黃河渾安得薄霧起緇裙手接雲

駟呼太君

右夏

月浪衡天天雨濕涼蟾落盡疎星入雲屏不動
掩孤嚔西樓一夜風箏急欲織相思花寄遠終
日相思却相怨但聞北斗聲迴環不見長河水
清淺金魚鑊斷紅桂春古時塵滿鴛鴦茵堪悲
小苑作長道玉樹未憐亡國人瑤琴愔愔藏楚
美越羅冷薄金泥重簾鈎鸚鵡夜驚霜喚起南
雲繞雲夢雙璫丁丁聯尺素內記湘川相識處

歌唇一世銜雨看可惜馨香手中故

右秋

言集
卷之十一
窄春煙自碧秋霜白研丹擘石天不知願得天
牢鑲寃魄夾羅委篋單綃起香眠冷襯瑯瑯佩
今日東風自不勝化作幽光入西海

右春

前閣雨簾愁不卷後堂芳樹陰陰見石城景物
類黃泉夜半行郎空拓彈綾扇喚風聞闖天輕
帷翠幕波淵旋蜀魂寂寞有伴未幾夜瘴花開
木絲桂宮流影光難取媯薰蘭破輕輕語直教
銀漢墮懷中未遣星妃鎮來去濁水清波何異
源濟河水清黃河渾安得薄霧起緇裙手接雲

軒呼太君

右夏

月浪衡天天雨濕涼蟾落盡疎星入雲屏不動
掩孤嚙西樓一夜風箏急欲織相思花寄遠終
日相思却相怨但聞北斗聲迴環不見長河水
清淺金魚鑲斷紅桂春古時塵滿鴛鴦茵堪悲
小苑作長道玉樹未憐亡國人瑤琴悵悵藏楚
美越羅冷薄金泥重簾鈎鸚鵡夜驚霜喚起南
雲繞雲夢雙瑤丁丁聯尺素內記湘川相識處
歌唇一世銜雨看可惜馨香手中故

右秋

天東日出天西下。雌鳳孤飛女龍寡。青溪白石
不相望。堂中遠甚蒼梧野。凍壁霜華交隱起。芳
根中斷香心死。浪乘畫舸憶蟾蜍。月娥未必嬋
娟子。楚管蠻絃愁一槩。空城罷舞腰支在。當時
歡向掌中銷。桃葉桃根雙姊妹。破鬟矮墮凌朝
寒。白玉燕釵黃金蟬。風車雨馬不持去。蠟燭啼
紅怨天曙。右冬

脂粉氣濃
風姿態寡

牧童詞

或云李涉作

外望見扶桑出東海。愛君憂國去未能。白道青
松了然在此時。聞有燕昭臺挺身東望心眼開。
且吟王粲從軍樂。不賦淵明歸去來。彭門十萬
皆雄勇。首戴公恩若山重。廷評日下握靈蛇。書
記眠時吞綵鳳之子。夫君鄭與裴何甥。謝舅當
世才青袍。白簡風流極碧沼。紅蓮傾倒開我生。
龕疎不足數。梁父哀吟鷓鴣舞。橫行濶視倚公
憐。狂來筆力如牛弩。借酒祝公千萬年。吾徒禮
分常周旋。收旗卧鼓相天子。相門出相光青史。

言金
織詞巧句一
往俊氣不無

安平公詩

故贈尚
書韓氏

丈人博陵王名家。令我總角稱才華。華州留語
曉至暮。高聲喝吏放。兩衙明朝騎馬出。城外送
我習業南山阿。仲子延岳年十六。面如白玉歌
烏紗。其弟炳章猶兩少。瑤林瓊樹含奇花。陳留
阮家諸姓秀。邈迤出拜何。駢羅府中從事杜。與
李麟角虎翅相過摩。清詞孤韻有歌響。擊觸鍾
磬鳴環珂。三月石堤凍銷釋。東風開花滿陽坡。

時禽得伴戲新木。其聲尖咽如鳴梭。公時載酒
領從事。踴躍鞍馬來。相過仰看樓殿撮。清漢坐
視世界如恒沙。面熱脚掉互登陟。青雲表柱白
雲崖。一百八句在貝葉。三十三天長雨花。長者
子來輒獻葢。辟支佛去空留驂。公時受詔鎮東
魯。遣我草詔隨車牙。願我下筆卽千字。疑我讀
書傾五車。嗚呼大賢苦不壽。時世方士無靈砂。
五月至止。六月病遽。頽泰山。驚逝波。明年徒步
吊京國。宅破子毀。哀如何。西風衝戶卷素帳。隙

光斜照舊燕

常歎知己少况我淪賤艱

虞多如公之德世

如黃河瀝膽

呪願天有眼君子之澤方滂沱

習黎胎氣

五言律詩

風雨

淒涼寶劍篇羈泊欲窮年黃葉仍風雨青樓自
管絃新知遭薄俗舊好隔良緣心斷新豐酒銷
愁斗幾干

三四語極自在詩以不做為佳中晚刻核之極有翻入自然者然未易多摘耳

令狐舍人說昨夜西掖翫月因戲贈

昨夜玉輪明傳聞近太清涼波衝碧瓦曉暈落
金莖露索秦宮井風絃漢殿箏幾時絲竹頌擬
薦子虛名

春殘

景為春時短愁隨別夜長暫慕寧號隱輕醉不
成鄉風雨曾通夕莓苔有衆芳落花如便去樓
上有河梁

三四
倩甚

夜飲

卜夜容衰鬢開筵屬異方燭分歌扇淚雨送酒
船香江海三年客乾坤百戰場誰能辭酪酲淹

卧劇清漳

四語
風味

附李花 李逕獨來數愁情相與懸自明無
月夜强笑欲風天滅粉與園籜分香沾渚蓮
徐妃久已嫁猶自玉為鈿
附槿花 驚體傷風力雜香積露文殷鮮一
相雜啼笑兩難分月裏寧無娣雲中亦有君
三清與仙島何事亦離羣 中晚詩一以借

影粧觀去難就
易方便法門

七言律詩

錦瑟

錦瑟無端五十絃一絃一柱思華年莊生曉夢
迷蝴蝶望帝春心託杜鵑滄海月明珠有淚藍
田日暖玉生煙此情可待成追憶只是當時已
惘然

總屬
影借

促漏

詩竟

詞錦
促漏遙鐘動靜聞報章重疊杳難分舞鸞鏡匣
收殘黛睡鴨香爐換夕熏歸去豈知還向月夢
來何處更爲雲南塘水煖蒲堪結兩兩鴛鴦護
水紋

濃郁○
結語佳

隋宮

紫泉宮殿鎖烟霞欲取蕪城作帝家玉璽不緣
歸日角錦帆應是到天涯于今腐草無螢火終
古垂楊有暮鴉地下若逢陳後主豈宜

庭花

隋場荒於酒色
故未有此二語

二月二日

二月二日江上行東風日暖聞吹笙花鬢柳眼
各無賴紫蝶黃蜂俱有情萬里憶歸元亮井三
年從事亞夫營新灘莫悟遊人意更作風簷雨
夜聲

籌筆驛

魚鳥猶疑畏簡書風雲長爲護儲胥徒令上將

言錦
促漏遙鐘動靜聞報章重叠杳難分舞鸞鏡匣
收殘黛睡鴨香爐換夕熏歸去豈知還向月夢
來何處更爲雲南塘水煖蒲堪結兩兩鴛鴦護
水紋

濃郁○
結語佳

隋宮

紫泉宮殿鎖烟霞欲取蕪城作帝家玉璽不緣
歸日角錦帆應是到天涯于今腐草無螢火終
古垂楊有暮鴉地下若逢陳後主豈宜重問名

庭花

隋場荒於酒色
故未有此二語

二月二日

二月二日江上行東風日暖聞吹笙花鬢柳眼
各無賴紫蝶黃蜂俱有情萬里憶歸元亮井三
年從事亞夫營新灘莫悟遊人意更作風簷雨
夜聲

籌筆驛

魚鳥猶疑畏簡書風雲長爲護儲胥徒令上將

言金
揮神筆終見降王走傳車管樂有才真不忝關
張無命欲何如他年錦里經祠廟梁父吟成恨
有餘

九成宮

十二層樓閬苑西平時避者拂虹霓雲隨夏后
雙龍尾風逐周王八馬蹄吳岳曉光連翠巖井
泉晚景上丹梯荔枝盧橘沾恩幸鸞鵲天書濕
紫泥

三四刺語思路極
工未二語更顯

無題

昨夜星辰昨夜風畫樓西畔桂堂東身無彩鳳
雙飛翼心有靈犀一點通隔座送鉤春酒暖分
曹射覆蠟燈紅嗟余聽鼓因官去走馬蘭臺類
轉蓬

無題

來是空言去絕蹤月斜樓上五更鐘夢爲遠別
啼難喚書被催成墨未濃蠟照半籠金翡翠麝
薰微度繡芙蓉劉郎已恨蓬山遠更隔蓬山一

萬重

颯颯東風細雨來芙蓉塘外有輕雷金蟾齧鎖
燒香入玉虎牽絲汲井迴賈氏窺簾韓掾少處
妃留枕魏王才春心莫共花爭發一寸相思一
寸灰

無題

相見時難別亦難東風無力百花殘春蠶到死
絲方盡蠟炬成灰淚始乾曉鏡但愁雲鬢改夜
吟應覺月光寒蓬山此去無多路青鳥殷勤爲

探看

三四痛快不得
以雅道律之

碧城

碧城十二曲闌干犀辟塵埃玉辟寒闔苑有書
多附鶴女墻無樹不棲鸞星沉海底當窻見雨
過河源隔座看若是曉珠明又定一生長對水
精盤

馬嵬

海外徒聞更九州鄒衍云九州之外復有九州他生未卜此

詩竟

生休空聞虎旅鳴宵柝無復鷄人報曉籌此日
六軍同駐馬當時七夕笑牽牛如何四紀爲天
子不及盧家有莫愁

與同年李定言曲水閒話戲作

海鷺參差瀟水流同君身世屬離憂相携花下
非秦贅對泣春天類楚囚碧草暗侵穿苑路珠
簾不捲枕江樓莫驚五勝埋香骨地下傷春亦
白頭

題道靖院院在中條山故王顏中丞所

置虢州刺史捨官居此今寫真存焉
紫府丹成化鶴羣青松手植變龍文壺中別有
仙家日嶺上猶多隱士雲獨坐遺芳成故事蹇
帷舊貌似元君自憐築室靈山下徒望朝嵐與
夕曛

附對雪 旋撲珠簾過粉墻輕於柳絮重於
霜已隨江令誇瓊樹又入盧家妬玉堂侵夜
可能爭桂魄忍寒應欲試梅粧關河凍合東
西路腸斷班騅送陸郎

五言絕句

柳枝 有序

柳枝洛中里娘也父饒好賈風波死湖上其
母不念他兒子獨命柳枝生十七年塗粧縉
髻未嘗竟已復起去吹葉嚼葢調絲擘管作
天海風濤之曲曲憶怨斷之音居其旁與其
家揖故往來者聞十年尚相與疑其醉眠夢
物斷不姆余從昆讓山比柳枝居爲近他日
春曾陰讓山下馬柳枝南柳下詠余燕臺詩
柳枝驚問誰人有此誰人爲是讓山謂曰此
吾里中少年叔耳柳中手斷長帶結讓山爲
贈叔乞詩明日余比馬出其巷柳枝丫鬟畢
粧抱立扇下風髻一袖指曰若叔是句後三
日鄰當去濺裙水上以博山香待與郎俱過
余諾之會所友有偕當詣京師者戲盜余卧
裝以先不果留雪中讓山至且曰東諸侯取
去矣明年讓山復東相背於戲上因寓詩以
墨其故處云

花房與蜜脾蜂雄蛺蝶雌同時不同類那復更
相思

本是丁香樹春條結始生玉作彈碁局中心亦不平

柳枝井上蟠蓮葉浦中乾錦鱗與繡羽水陸有傷殘

七言絕句

夜雨寄北

君問歸期未有期巴山夜雨漲秋池何當共剪西牕燭却話巴山夜雨時

宿駱氏亭寄懷崔雍崔衮

竹塢無塵水檻清相思迢遞隔重城秋陰不散霜飛晚留得枯荷聽雨聲

寄令狐郎中

嵩雲秦樹久離居雙鯉迢迢一紙書休問梁園舊賓客茂陵秋雨病相如

漢宮詞

青雀西飛竟未迴君王長在集靈臺侍臣最有相如渴不賜金莖露一杯

隋宮

柳枝洛中里娘也父饒好賈風波死湖上其
母不念他兒子獨命柳枝生十七年塗粧縮
髻未嘗竟已復起去吹葉嚼葢調絲擲管作
天海風濤之曲幽憶怨斷之音居其旁與其
家揖故往來者聞十年尚相與疑其醉眠夢
物斷不媻余從昆讓山比柳枝居爲近他日
春曾陰讓山下馬柳枝南柳下詠余燕臺詩
柳枝驚問誰人有此誰人爲是讓山謂曰此
吾里中少年叔耳柳中手斷長帶結讓山爲
贈叔乞詩明日余比馬出其巷柳枝丫鬟畢
粧抱立扇下風髻一袖指曰若叔是句後三
日鄰當去濺裙水上以博山香待與郎俱過
余諾之會所友有偕當詣京師者戲盜余卧
裝以先不果留雪中讓山至且曰東諸侯取
去矣明年讓山復東相背於戲上因寓詩以
墨其故處云

花房與蜜脾蜂雄蛺蝶雌同時不同類那復更
相思

詩竟

晚唐卷之一

一五

本是丁香樹春條結始生玉作彈碁局中心亦不平

柳枝井上蟠蓮葉浦中乾錦鱗與繡羽水陸有傷殘

七言絕句

夜雨寄北

君問歸期未有期巴山夜雨漲秋池何當共剪西牕燭却話巴山夜雨時

宿駱氏亭寄懷崔雍崔衮

竹塢無塵水檻清相思迢遞隔重城秋陰不散霜飛晚留得枯荷聽雨聲

寄令狐郎中

嵩雲秦樹久離居雙鯉迢迢一紙書休問梁園舊賓客茂陵秋雨病相如

漢宮詞

青雀西飛竟未迴君王長在集靈臺侍臣最有相如渴不賜金莖露一杯

隋宮

乘興南遊不戒嚴。九重誰省諫書函。春風舉國裁宮錦。半作障泥半作帆。

無題

紫府仙人號寶燈。雲漿未飲結成冰。如何雪月交光夜。更在瑤臺十二層。

爲有

爲有雲屏無限嬌。鳳城寒盡怕春宵。無端嫁得金龜婿。辜負香衾事早朝。

夜半

三更三點萬家眠。露欲爲霜月墮烟。闔鼠上床蝙蝠出。玉琴時動倚窻絃。

閨情

紅露花房白蜜脾。黃蜂紫蝶兩參差。春窻一覺風流夢。却是同袍不得知。

代贈

樓上黃昏欲望休。玉梯橫絕月中鉤。芭蕉不展丁香結。同向春風各自愁。

南朝

地險悠悠天險長金陵王氣應瑤光休誇此地
分天下只得徐妃半面粧

宮妓

珠箔輕明拂玉墀披香新殿鬪腰肢不須看盡
魚龍戲終遣君王怒偃師

有感

非關宋玉有微辭却是襄王夢覺遲一自高唐
賦成後楚天雲雨盡堪疑

春光

日日春光鬪日光山城斜路杏花香幾時心緒
渾無事得及遊絲百尺長

可知腸
已寸斷

過楚宮

巫峽迢迢舊楚宮至今雲雨暗丹楓微生盡戀
人間樂只有襄王憶夢中

說意
之過

龍池

龍池賜酒敞雲屏羯鼓聲高衆樂停夜半宴歸

詩竟

龍唐卷之一

十一

宮漏永。薛王沉醉壽王醒。

嫦娥

雲母屏風燭影深。長河漸落曉星沉。嫦娥應悔偷靈藥。碧海青天夜夜心。

其詩多以意勝

鳳

萬里峰巒歸路迷。未判容彩借山雞。新春定有將雛樂。阿閣華池兩處棲。

槿花

風露淒淒秋景繁。可憐榮落在朝昏。未央宮裏三千女。但保紅顏莫保恩。

有刺

暮秋獨游曲江

荷葉生時春恨生。荷葉枯時秋恨成。深知身在情長在。長在悵望江頭江水聲。

三四的是情語

賈生

宣室求賢訪逐臣。賈生才調更無倫。可憐夜半

言金
晚唐第一
虛前席不問蒼生問鬼神

夜冷

樹遶池寬月影多。村砧塢笛隔風蘿。西亭翠被
餘香薄。一夜將愁向敗荷。

七夕

鸞扇斜分鳳幄。星新橋橫過鵲。飛迴爭將世上
無期別。換得年年一度來。

柳公權

七言絕句

宮嬪

不忿前時忤主恩。已甘寂寞守長門。今朝却得
君王顧。重入椒房拭淚痕。

晚唐第一

詩竟

晚唐第一

十一

蘇王醜重入琳。長。殊。幾。張。
 不念前報。并主思。已。廿。寐。寔。寺。其。門。今。陳。賦。折。

宮殿



國家圖書館, NATIONAL CENTRAL LIBRARY, TAIWAN, R.O.C.

晚唐第二

唐詩鏡五十

樵李陸時雍選評

錢塘 趙林翹
張煥如 叅定

杜牧

字牧之京兆人善屬文太和二年舉進士復舉賢良方正拜殿中侍御史遷中書舍人剛直有奇節不為齷齪小謹敢論列大事時無有援者辛年五十初牧夢人告曰爾應名畢復夢書皎皎自駒字俄而炊甑裂牧曰不祥乃自為墓誌悉取所謂文章焚之有樊川集二十卷牧於詩情致豪邁人號為小杜云

五言古詩

詩鏡

晚唐卷之二

一

國家圖書館, NATIONAL CENTRAL LIBRARY, TAIWAN, R.O.C.



題安州浮雲寺樓寄湖州張郎中

去夏疎雨餘同倚朱欄語當時樓下水今日到
何處恨如春草多事與孤鴻去楚岸柳何窮別
愁紛若絮

五言律詩

東都送鄭處誨校書歸上都

悠悠渠水清雨霽洛陽城槿墮初開艷蟬聞第
一聲故人容易去白髮等閒生此別無多語期
君晦盛名

四語

淺趣

附題新竹聲

破寒窻夢句佳

七言律詩

懷鍾陵舊遊

十頃平湖堤柳合岸秋蘭芷綠纖纖一聲明月
采蓮女四面朱樓卷畫簾白鷺煙分光的的微
漣風定翠沾沾徒兼切斜暉更落西山影千步虹
橋氣象兼

語氣錚錚○

疊字三見

詩竟

兔耳卷之二

三

初春雨中舟次和州橫江裴使君見迎

李趙二秀才同來因書四韻兼寄江

南許渾先輩

芳草渡頭微雨時萬株楊柳拂波垂蒲根水暖
鴈初浴梅徑香寒蜂未知辭客倚風吟暗淡使
君廻馬濕旌旗江南仲蔚多情調悵望春陰幾
首詩

同趙二十二訪張明府郊居聯句

陶潛官罷酒餅空門掩楊花一夜風牧古調詩

吟山色裏無絃琴在月明中破遠簷高樹宜幽

鳥出岫孤雲逐晚虹牧別後東籬數枝菊不知

閑醉與誰同破

附九日齊山登高 江涵秋影鴈初飛與客
攜壺上翠微塵世難逢開口笑菊花須插滿
頭歸但將醅酌酬佳節不用登臨恨落暉古
往今來只如此牛山何必淚霑衣
附早鴈仙掌月明孤影
過長門燈暗數聲來

七言絕句

題華清宮

長安廻望繡成堆山頂千門次第開一騎紅塵

詞金
妃子笑無人知是荔枝來

似記
事語

遊池州林泉寺金碧洞

袖拂霜林下石稜。潺湲聲斷滿溪水。携茶臘月
遊金碧。合有文章病茂陵。

冷然
清趣

柳

數樹新開翠影齊。倚風情態被春迷。依依故國
樊川恨。半掩村橋半拂溪。

愁緒
漫爛

赤壁

折戟沉沙鐵未銷。自將磨洗認前朝。東風不與
周郎便。銅雀春深鎖二喬。

第二語滯色
未句響調

泊秦淮

煙籠寒水月籠沙。夜泊秦淮近酒家。商女不知
亡國恨。隔江猶唱後庭花。

寄揚州韓綽判官

詩竟

免唐卷之二

日

詞金
地層卷之二
四
青山隱隱水遙遙。秋盡江南草木凋。二十四橋
明月夜，玉人何處教吹簫。

班竹筒簫

血染斑斑成錦紋。昔年遺恨至今存。分明知是
湘妃泣，何忍將身卧淚痕。

和嚴暉秀才落花

共惜流年留不得。且環流水醉流杯。無情紅艷
年年盛，不恨凋零却恨開。

未語種
情之甚

倡樓戲贈

細柳橋邊深半春。纈衣簾裏動香塵。無端有寄
閑消息，背插金釵笑向人。

秋夕

銀燭秋光冷畫屏。輕羅小扇撲流螢。天階夜色
涼如水，坐看牽牛織女星。

冷然情致坐看
不若卧看佳

宮詞

監宮引出暫開門。隨例趨朝不是恩。銀鑰却收

言錄 明倫彙編 卷之二 五
金鎖合月明花落又黃昏。

遣懷

落魄江南載酒行，楚腰腸斷掌中輕。十年一覺揚州夢，占得青樓薄倖名。

情至語

自耿耿

歎花

自恨尋芳到已遲，往年曾見未開時。如今風擺花狼籍，綠葉成陰子滿枝。

山行

遠上寒山石徑斜，白雲生處有人家。停車坐愛楓林晚，霜葉紅於二月花。

俏句

聞角

曉樓煙檻出雲霄，景下林塘已寂寥。城角爲秋悲更遠，護霜雲破海天遙。

遠澹

華清宮

零葉翻紅萬樹霜，玉蓮開葉暖泉香。行雲不下

寺竟

兔唐卷之二

六

言錦 朝元閣一曲淋鈴淚數行

行雲二字取高唐賦末正不必切語自堪詠

客有卜居不遂薄游汧隴因題

海燕西飛白日斜
天門遙望五陵家
樓臺深瑣無人到
落盡東風第一花

許秀才至辱李蘄州絕句問斷酒之情

因寄

有客南來話所思
故人遙在醉中詩
暫因微疾須防酒
不是歡情減舊時

登灃州驛樓寄京兆韋尹

尹魯典此郡

一話涇陽舊使君
郡人迴首望青雲
政聲長與

江聲在自到津樓
日夜聞

杜牧七言絕句婉轉多情韻亦不乏復自劉夢得以後一人

附送隱者一絕 無媒徑路草蕭蕭自古雲林遠市朝公道世間唯白髮貴人頭上不曾

附贈別 多情却似總無情唯覺樽前笑不成蠟燭有心還惜別替人垂淚到天明

許渾

字仲晦丹陽人太和六年進士為太平縣令後辟監察御史歷睦郢二州刺史有丁

卯集二卷行于世

詩竟

免唐卷之二

五言律詩

早秋

遙夜泛清瑟，西風生翠蘿。
殘螢委玉露，早鴈拂金河。
高樹曉還密，遠山晴更多。
淮南一葉下，自覺老煙波。

與裴秀才自越西歸阻凍登丘山寺

春草越吳間，心期旦夕還。
酒鄉逢客病，詩境遇僧閑。
倚棹水生浦，登樓雪滿山。
東風不可待，歸鬢坐來班。

六語
景趣

與侯春時同年南池夜話

蘆葦暮修修，谿禽上釣舟。
露涼花歛夕，風靜竹含秋。
素志應難契，清言豈易求。
相歡一瓢酒，明日醉西樓。

三四清
素韻饒

再寄殷堯藩秀才

直道知難用，經年向水濱。
宅從栽竹貴，家爲買書貧。
就學多新客，登朝盡故人。
蓬萊自有路，莫

羨武陵春

語雖淺淺
却有天致

附秋日赴闕題潼關驛樓紅葉晚蕭蕭長
亭酒一瓢殘雲歸太華疎雨過中條樹色隨
關迥河聲入海遙帝鄉明日到猶自夢漁樵
附寄契盈上人鴈來秋水濶鴉盡夕陽沉寄
題商洛王隱居草閣平春水柴門掩夕陽送
南陵李少府劍在心猶壯書窮髮已班語雖
淺近致各自成

七言律詩

凌敲臺

當塗縣西宋高祖築今太平州

宋祖凌高樂未回三千歌舞宿層臺湘潭雲盡

暮山出巴蜀雪消春水來行殿有基荒薺合寢

園無主野棠開百年便作萬年計岳畔古碑空

綠苔

咸陽城東樓

一上高城萬里愁蒹葭楊柳似汀洲溪雲初起

日沉閣山雨欲來風滿樓鳥下綠蕪秦苑夕蟬

鳴黃葉漢宮秋行人莫問當年事故國東來渭

水流

凌敲臺咸陽東樓三四俱作仄調以取輕
俏此其病與盛唐人好雄渾同雄渾則氣

詩竟

易不清輕俊則格多不正
正詩家要道雅歸中正

宿望亭館寄蘇州一二同志

候館人稀夜自長
姑蘇城遠樹蒼蒼
江湖水落高樓迥
河漢秋歸廣簾涼
月轉碧梧移鵲影
露低紅葉濕螢光
西園詩侶應多思
莫醉笙歌掩畫堂

與張道士同訪李隱君不遇

千巖萬壑獨携琴
知在陵陽不可尋
去轍已平秋草遍
空齋長掩暮雲深
霜寒橡栗留山鼠
月

冷菰蒲散水禽
唯有西隣張仲蔚
坐來同愴別

離心

五六實景
語氣亦秀

附題舒女廟 山樂來迎去不言
廟前高柳水禽喧
綺羅無色雨侵帳
珠翠有聲風繞幡
粧鏡尚疑山月滿
寢屏猶認野花繁
孤舟夢斷行雲散
何限離心寄曉猿
五六晚甚附驪山
聞說先皇醉碧桃
日華浮動鬱金香
風隨玉輦笙歌迥
雲捲珠簾劔佩高
鳳駕北歸山寂寂
龍旗西幸水滔滔
娥眉没後巡遊少
瓦落宮墻見野蒿
附滄浪峽一聲溪鳥暗
雲散萬片野花流水香
陪尚書崔公宴海榴堂
風傳鼓角霜侵戟雲捲旌旗
月上樓謝病東歸
春耕旋搆金門客
夜學兼修玉府書
郊居風吹藥蔓迷
樵徑

言金
雨暗蘆花失釣船卧病病中送客難爲別夢裏還家不當歸其中儘有好句第初唐七律風味最饒盛唐性情間出中晚專求聲句故不及也

七言絕句

緱山廟

王子求仙月滿臺玉笙清轉鶴徘徊曲終飛去不知處山下碧桃春自開

秋日

琪樹西風華簞秋楚雲湘月憶同遊高歌一曲掩明鏡昨日少年今白頭

雍陶

字國鈞成都人太和八年進士大中間自國子毛詩博士出爲簡州刺史詩十卷

七言絕句

天津橋春望

津橋春水浸紅霞煙柳風絲拂岸斜翠輦不來金殿閣宮鶯銜出上陽花

和孫明府懷舊山

五柳先生本在山偶然爲客落人間秋來見月多歸思自起開籠放白鸚

城西訪友人

詩鏡

晚唐卷之二

十一

澧水橋邊小路斜。日高猶未到君家。村原門巷多相似。處處春風枳殼花。

風味
自佳

魏扶

七言絕句

大中初知禮闈入貢院因題此詩

梧桐葉落滿庭陰。鎖閉朱門試院深。曾是當年辛苦地。不將今日負前心。

言可
翼世

劉得仁

貴王之子自開成至大中三朝昆弟皆顯得仁苦於詩出入舉場三十年卒無

成詩
一卷

七言絕句

悲老宮人

白髮宮娃不解悲。滿頭猶自插花枝。曾緣玉貌君王寵。准擬人看似舊時。

自寵復
自憐

附姚鵠玉真觀尋趙尊師不遇。羽客朝元畫掩扉。林中一徑雪中微。松陰遶院鶴相對。山色滿樓人未歸。盡日獨思風馭返。寥天幾望野雲飛。凭高目斷無消息。自醉自吟愁落

詩竟

卷唐卷之二

十一

暉

馬戴

字虞臣會昌中進大學博士宣宗大中初為李司空幕下書記以正言斥貶為龍陽

尉詩一卷

五言律詩

山行偶作

緣危路忽窮投宿值樵翁鳥下山含暝蟬鳴露
滴空石門斜月入雲竇暗泉通寂寞生幽思心
疑舊隱同

送柳秀才往連州看弟

離人非逆旅有弟謫連州楚雨霑猿暮湘雲拂
鴈秋蒹葭行廣澤星月棹寒流何處江關鏢風
濤阻客愁

琢鍊

江行留別

吳楚半秋色渡江逢葦花雲侵帆影盡風逼鴈
行斜返照開嵐翠寒潮蕩浦沙余將何所往海
嶠擬營家

響句

詩境

晚唐卷之二

十三

早發故園

語別在中夜登車離故鄉曙鐘寒出寺殘月迥
凝霜風柳條多折沙雲氣盡黃行逢海西鴈零
落不成行

四語
鍊

送僧歸金山寺

金陵山色裏蟬急向秋分迴寺橫洲島歸僧渡
水雲夕陽依岸盡清磬隔潮聞遙想禪林下鑪
香帶月焚

送人遊蜀

別離楊柳陌迢遞蜀門行若聽清猿後應多白
髮生虹蜺侵棧道風雨雜江聲過盡愁人處煙
花是錦城

結語
足慰

同莊秀才宿鎮星觀

的的星河落霑苔復洒松濕光微泛草石翠澹
搖峰野觀雲和月秋城漏間鐘知君親此境九
陌少相逢

附鮑防員外見尋因書情呈贈。少小馬儒不自強如今懶復見侯王。擘鏡已知身漸老買山將作計偏長。荒涼鳥獸同三徑。撩亂琴書共一牀。猶有郎官來問疾。時人莫道我佯狂。

五言律

送顧少府之永康

婺女星邊去。春生卽有花。寒關雲復雪。古渡草連沙。宿次吳江晚。行侵日徼斜。官傳梅福政。縣顧赤松家。燒起明山翠。潮迴動海霞。清高宜閔此。莫嘆近天涯。

送和北虜使

路始陰山北。迢迢雨雪天。長城人過少。砂磧馬難前。日入流沙際。陰生瀚海邊。刀鐙向月動。旌纛冒霜懸。逐獸孤圍合。交兵一箭傳。穹廬移冒頓。烽火絕祁連。漢將行持節。胡兒坐控絃。明妃的迴面。南送使君旋。

送冊東夷王使

越海傳金冊。華夷禮命行。片帆秋色動。萬里信潮生。日映孤舟出。沙連絕島明。翳空翻大鳥。飛

雪灑長鯨舊鬢迴應改遐荒夢易驚何當理風
楫天外問來程

送僧歸閩中舊寺

寺隔海山遙帆前落葉飄斷猿通楚塞驚鷺出
蘭橈星月禪波鳥煙蘿度石橋鐘聲催野飯秋
色落寒潮舊社人多老閒房樹半凋空林容病
士歲晚待相招

七言絕句

出塞詞

金帶連環束戰袍馬頭衝雪度臨洮卷旗夜却
單于帳亂斫胡兒缺寶刀

趙嘏

字承祐山陽人會昌三年進士大中間仕
至渭南尉有渭南集三卷又編年詩二卷

並傳

七言律詩

長安秋望

雲物淒涼拂曙流漢家宮闕動高秋殘星幾點
鴈橫塞長笛一聲人倚樓紫艷半開離菊靜紅
衣落盡渚蓮愁鱸魚正美不歸去空戴南冠學

詩鏡

晚唐卷之二

十六

詩金
楚囚

三四景色歷
寂意象自成

長安月與友人語故山

宅邊秋水浸苔磯日日持竿去不歸揚柳風多
潮未落蒹葭霜落鴈初飛重嘶匹馬吟紅葉却
聽疎鐘憶翠微今夜秦關滿城月故人相見一
沾衣

七言絕句

東亭柳

拂水斜煙一萬條幾隨春色醉河橋不知別後
誰攀折猶自風流勝舞腰

薛能

字大拙汾州人會昌三年進士累官都官
刑部員外郎後爲京兆尹徙徐州節度使
移鎮武昌爲賊
所殺集十卷

七言絕句

中秋旅舍書懷

雲卷庭虛月逗空一方秋草盡鳴蟲是時兄弟
正南北黃葉滿階來去風

銅雀臺

詩鏡

晚唐卷之二

十七

魏帝當時銅雀臺黃花深映棘叢開人生富貴
須迴首此地豈無歌舞來

語落
題外

李中

五言律詩

泉

潺潺青障底來處一何長漱石苔痕滑侵松鶴
夢涼泛花穿竹塢瀉月下蓮塘想得歸何處天
涯助渺茫

三四免俗如春日野望暖風醫病草甘雨
洗荒村句雖琢雅趣似少竹窓秋睡美荻
浦夜漁寒
上句佳

七言律詩

送姚端秀才遊毘陵

毘陵嘉景太湖邊才子經遊稱少年風弄青帘
沽酒市月明紅袖採蓮船若耶菴畫應相似
溪名在
毘陵越岫吳峯盡接連此去高吟須早返廣
寒丹桂莫遷延

三四風
味絕勝

詩竟

附留題胡參卿秀才幽居 竹廡庭除蘚色
濃道心安逸寂寥中扣門時有栖禪客漉酒
多招採藥翁江近好聽菱芡雨徑香偏愛蕙
蘭風我慙名宦猶拘束脫屣心情未得同

七言絕句

春閨辭

塵昏菱鑑懶修容雙臉桃花落盡紅玉色夢歸
殘燭在曉鶯窗外嘯梧桐。

思胸陽春遊感舊寄柴司徒。

南陌風和舞蝶狂惜春公子戀斜陽高歌飲罷
將迴轡衣上花兼百草香。

末語
風味

孟遲

字升之平昌人會
昌及第詩一卷

七言絕句

長信宮

君恩已盡欲何歸猶有殘香在舞衣自恨身輕
不如燕春來還繞御簾飛

閨情

山上有山歸不得湘江暮雨鷓鴣飛蘼蕪亦是
王孫草莫遣春香送客衣

項斯 字子遷江東人會昌三年及第授用徒縣尉卒於任所斯於寶曆間成之際聲價特甚爲張水部所知集一卷傳尚書楊敬之雅愛其詩所至稱之

五言律詩

和李中丞醉中期王徵君月夜同遊澹

水舊居

醉後情俱遠難忘素澹間照花深處月當戶舊
時山事想同清話歡期一破顏風流還愛竹此
夜尚思閑

三四澹語佳

附宿胡氏溪亭客來因月宿牀勢向山移語有微致

李鄴

七言律詩

碧濤宴上有懷知己

荻花蘆葉滿溪流一簇笙歌在水樓金管曲長
人盡醉玉簪恩重獨生愁女蘿力弱難逢地桐
樹心孤易感秋莫惟當歡却惆悵全家欲上五
湖舟

陳陶

字嵩伯番陽人武宣間自稱三教布衣好遊學善天文長於雅頌有文錄十卷傳麗

詩境

情集云嚴宇收豫章陳陶隱西山操行清潔
字欲撓之遣小妓蓮花往侍焉陶殊不采妓
乃獻詩求去云蓮花爲號玉爲腮亦重尚書
遣妾來處士不生巫峽夢虛勞神女下陽臺
後人移其事爲
陳圖南非也

七言絕句

隴西行

誓掃匈奴不顧身
五千貂錦喪胡塵
可憐無定河邊骨
猶是深閨夢裏人

此詩不減盛唐
第格力稍下耳

晚唐第二



國家圖書館, NATIONAL CENTRAL LIBRARY, TAIWAN, R.O.C.

晚唐第三

唐詩鏡五十一

橋李陸時雍選評

趙林翹

錢塘

張煥如

叅定

溫庭筠

本名岐字飛卿并州祈人彥博之後少

號江陵然薄於行多作側詞艷曲數舉不第

大中末上書于言執政鄙其人授方山尉徐

商署為巡官徐啟遂廢一云開成中庭筠才

名籍甚然不拘細行以文為質識者鄙之執

政有奏庭筠攬擾場屋論方城令有詩集

五卷漢南真藁十卷握蘭金筌等集並傳

庭筠詩如浪蕊浮花初無

根蒂麗而浮者傷其質矣

詩鏡

晚唐卷之三

五言古詩

西洲詞

悠悠復悠悠。昨日下西洲。西洲風色好。遙見武昌樓。武昌何鬱鬱。儂家定無匹。小婦被流黃。登樓撫瑤瑟。朱絃繁復輕。素手直淒清。一彈三四解。掩抑似含情。南樓登且望。西江廣復平。艇子搖兩漿。催過石頭城。門前烏臼樹。慘澹天將曙。鷓鴣飛復還。郎隨早帆去。迴頭語同伴。定復負情儂。去帆不安幅。作底使西風。他日相尋索。莫

作西洲客。西洲人不歸。春草年年碧。

稍傍梁語
了無真緒

江南曲

妾家白蘋浦。日上芙蓉檝。軋軋搖漿聲。移舟入菱葉。溪長菱葉深。作底難相尋。避郎郎不見。鷓鴣自浮沉。拾萍萍無根。採蓮蓮有子。不作浮萍生。寧爲藕花死。岸傍騎馬郎。烏帽紫遊韁。含愁復含笑。迴首問橫塘。妾住金陵浦。門前朱雀航。流蘇持作帳。芙蓉持作梁。出入金犢幃。兄弟侍

詞鏡 一 明 卷之三
中郎前年學歌舞定得郎相許連娟眉繞山依
約腰如柳鳳管悲若咽鸞紗嬌欲語扇薄露紅
鉛羅輕壓金縷明月西南樓珠簾玳瑁鈎橫波
巧能笑鸞蛾不識愁花開子留樹草長根依土
上聞金溝遠底事歸郎許不學閨中婦朝朝淚
如雨

西洲詞江南曲情致
散漫古詞當不如是

和沈參軍招友生觀芙蓉池

桂棟坐清曉瑤瑟商鳳絲况聞楚澤春適與秋
風期遂從棹萍客靜笑煙草湄倒影迴愁蕩愁
紅媚漣漪湘莖久鮮澀宿雨增離披而我江海
意楚遊動夢思北渚水雲葉南塘煙霧枝豈亡
臺榭芳獨與鷗鳥知珠墜魚迸淺影多鳧汎遲
落英不可攀返照昏澄陂

燒歌

起來望南山山火燒山田微紅久如滅短焰復
相連差差向巖石冉冉凌青壁低隨迴風盡遠
照簷茆赤隣翁能楚言倚鋪欲憊然自言楚越

言金
俗燒畚爲早田。豆苗蟲促促。籬上花當屋。廢棧
豕歸欄。廣場雞啄粟。新年春雨晴。處處賽神聲。
持錢就人卜。敲瓦隔林鳴。卜得山上卦。歸來桑
棗下。吹火向白茅。腰鑱映頰蕉。風驅榭葉烟。榭
樹連平山。迸星拂霞外。飛燼落堦前。仰面呻復
嚏。鴉娘呪豐歲。誰知蒼翠容。盡作官家稅。

語緒
林如

七言古詩

春時曲

家臨長信往來道。乳燕雙雙拂煙草。油壁車輕
金犢肥。流蘇帳曉春雞早。籠中嬌鳥暖猶睡。簾
外落花閑不掃。衰桃一樹近前池。似惜紅顏鏡
中老。

聲調
作嬌

春愁曲

絲絲穿露珠。簾冷百尺啞啞下。纖綆遠翠愁山
入。卧屏兩重雲。母空烘影涼。簪墜髮春眠重。玉
兔燼。氤柳如夢。錦疊宜床。委墜紅。颺颺掃尾雙

詞鏡
金鳳蜂喧蝶駐戲悠揚。柳拂赤欄。織草長。覺後
梨花委平綠。春風和雨吹池塘。

晚歸曲

格格水禽飛帶波。孤光斜起夕陽多。湖西山淺
似相笑。菱刺惹衣攢。黛蛾青絲繫船向。江木蘭
芽出土。吳江曲水極晴搖。汎灩紅草平。春染烟
綿綠。玉鞭騎馬楊叛兒。刻金作鳳光。參差丁丁
暖。漏滴花影催入景陽人。不知鸞堤弱林遙。相
矚雀扇團團掩香玉。蓮塘艇子歸不得。柳暗桑

穠聞布穀

道情處在
意似之間

湘東夜宴曲

湘東夜宴金貂人。楚女含情嬌翠嚔。玉管將吹
插鈿帶。錦囊斜拂雙麒麟。重城漏斷孤帆去。惟
恐瓊籤報天曙。萬戶沈沈碧樹圓。雲飛雨散知
何處。欲上香車俱脉脉。清歌響斷銀屏隔。堤外
紅塵蠟炬歸樓前。澹月連江白。

夜宴曲

言金
長釵墜髮雙蜻蜓碧盡山斜開畫屏虬鬚公子
五侯客一飲千鍾如建瓴鸞咽妖唱圓無節眉
歛湘烟袖迴雪清夜恩情四座同莫令溝水東
西別亭亭蠟淚香珠殘暗露曉風羅幕寒飄颻
戟帶儼相次二十四枝龍畫竿裂管縈絃共繁
曲芳樽細浪傾春醪高樓客散杏花多脉脉新
蟾如瞪目

錦城曲

蜀山攢黛留晴雪簪筍蕨芽縈九折江風吹巧
剪霞綃花上千枝杜鵑血杜鵑飛入巖下叢夜
叫思歸山月中巴水漾情情不盡文君織得春
機紅怨魄未歸芳草死江頭學種相思子樹成
寄與望鄉人白帝荒城五十里

閑情野况
繞如一夢中

蘭塘詞

塘水汪汪鳧唼喋憶上江南木蘭檝繡頸金鬚
蕩倒光團團皺綠雞頭葉露凝荷卷珠淨圓紫
菱刺短浮根纏小姑歸晚紅粧淺鏡裏芙蓉照

詩鈔 卷之三
水鮮東溝縉縉勞迴首欲寄一杯瓊液酒知道
郎却有情長教月照相思柳

深着語淺着情
是温家本色

堂堂曲

錢塘岸上春如織
森森寒潮帶晴色
淮南遊客馬連嘶
碧草迷人歸不得
風飄客意如吹煙
纖指殷勤傷鴈絃
一曲堂堂紅燭筵
長鯨瀉酒如飛泉

寡趣

謝公墅歌

朱雀航南繞香陌
謝郎東墅連春碧
鳩眠高柳日方融
綺榭飄飄紫庭客
文楸方罨花參差
心陣未成星滿池
四座無喧梧竹靜
金蟬玉柄俱持願
對局含情見千里
都城已得虵尾江南
王氣繫踪襟未許
符堅過淮水

心西語奇趣 雅麗二道各有所宜作謝
公墅詩須平林曠野淡淡疎疎如庭筠此
不謂之

懊惱曲

詩竟

晚唐卷之三

七

言金
藕絲作線難勝針。藥粉染黃那得深。玉白蘭芳
不相顧。青樓一笑輕千金。莫言自古皆如此。健
劍荆鍾鉛繞指。三秋庭綠盡迎霜。唯有荷花守
紅死。廬江小吏朱班輪。柳縷吐芽香。玉新兩股
金釵已相許。不令獨作空成塵。悠悠楚水流如
馬。恨紫愁紅滿平野。野土千年怨不平。至今燒
作鴛鴦瓦。

末二語最奇麗。庭筠詩祇
欲詞色相當。不必定情何似。

張靜婉採蓮歌 并序

靜婉羊侃妓也。其容絕世。侃自爲採蓮二曲。
今樂府所存失其故意。因歌以俟。採詩者事
具載梁史。

蘭膏墜髮紅玉春。燕釵梳頭拋盤雲。城邊楊柳
向嬌晚。門前溝水波粼粼。麒麟公子朝天客。珂
馬璫璫渡春陌。掌中無力舞衣輕。剪斷鮫綃破
春碧。抱月飄煙一尺腰。麝臍龍髓憐嬌嬈。秋羅
拂水碎光蓮。露重花多香不銷。鷓鴣交交塘水
滿。綠芒如粟蓮莖短。一夜西風送雨來。粉痕零

言金
明
落愁紅淺。船頭折藕絲。暗牽藕根蓮子相留連。
郎心似月月未缺。十五十六清光圓。

語極嬌艷之致未數語更復風騷
麒麟公子四句屬何要緊

雞鳴埭曲

南朝天子射雉時。銀河耿耿星參差。銅壺漏斷
夢初覺。寶馬塵高人未知。魚躍蓮東蕩宮沼。濛
濛御柳懸栖鳥。紅粧萬戶鏡中春。碧樹一聲天
下曉。盤踞勢窮三百年。朱方殺氣成愁烟。彗星
拂地浪連海。戰鼓渡江塵漲天。繡龍畫雉填宮
井。野火風軀燒九鼎。歟巢江燕砌生蒿。十二金
人霜炯炯。芋綿平綠臺城基。暖色春容荒古陂。
寧知玉樹後庭曲。留待野棠如雪枝。

罩魚歌

朝罩罩城南。暮罩罩城西。兩漿鳴幽幽。蓮子相
高低。持罩入深水。金鱗大如手。魚尾迸圓波。千
珠落細藕。風颺颺。雨離離。菱尖刺。鸕鶿飛。水連
網。眼白如影。浙瀝蓬聲寒。點微楚岸有花花。葢
屋。金塘柳色前溪曲。悠容香若去無窮。五色澄

言金
明眉卷之三
潭鴨頭綠

翠色
欲滴

湖陰詞

祖龍黃鬚珊瑚鞭鐵驄金面青連錢虎髯拔劍
欲成夢日壓賊營如血鮮海旗鳳魚驚眠起甲
重光搖照湖水蒼黃追騎臺外歸森索妖星陣
前死五陵愁碧春萋萋灞川玉馬空中嘶羽書
如雷入青鎖雪脆如挺催晝鞞白虬天子金煌
鉞高臨帝座迴龍章吳波不動楚山晚花壓關

千春晝長

塞寒行

燕弓絃勁霜飛瓦樸簌寒鵬睇平野一點黃塵
起鴈喧白龍堆下千蹄馬河源怒濁風如刀剪
斷朔雲天更高晚出榆關逐征北驚沙飛迸衝
貂袍心許凌烟名不滅年年錦字傷離別綵毫
一畫竟何榮空使青樓淚成血

五言律詩

中書令裴公挽歌詞

詩竟

晚唐卷之三

詩錄 明唐卷之三
箭下妖星落風前殺氣迴國香荀令去樓月庾
公來玉璽終無慮金藤竟不開空嗟薦賢路芳
草滿燕臺

商山早行

晨起動征鐸客行悲故鄉雞聲茅店月人迹板
橋霜。槲葉落山路枳花明驛墻因思杜陵夢鳥
鴈滿迴塘

三四太似通劑至渚宮晚春鳥鴈
野塘水牛羊春草烟更爲少味矣

偶題

孔雀眠高閣櫻桃拂短簷畫明金冉冉。箏語玉
纖纖。細雨無妨燭。輕寒不觸簾。欲將紅錦段因
夢寄江淹

春日野行

騎馬踏烟莎青春奈怨何蝶翎朝粉盡鴉背夕
陽多。柳艷欺芳帶山愁縈翠娥別情無處說方
寸是星河

末語
巧思

附初秋寄友人 開夢正悠悠涼風生竹樓
夜琴知欲雨曉簟覺新秋獨鳥楚山遠一蟬

詩鏡

晚唐卷之三

十一

言金
開樹愁憑將離別恨江外問同遊
附早秋山居菓落見猿過葉乾聞鹿行送洛
陽主簿榭葉曉迷路枳花春滿庭柳古三春
色鶯偷百鳥聲語俱佳

七言律詩

七夕

鵲歸燕去兩悠悠青瑣西南月似鈎天上歲時
星右轉世間離別水東流金風入樹千門夜銀
漢橫空萬象秋蘇小橫塘通桂檝未應清淺隔
牽牛。

春暮宴罷寄宋壽先輩

斜掩朱門花外鐘曉鶯時節好相逢
牕間桃葉宿粧在雨後牡丹春睡濃
蘇小風姿迷下蔡馬卿才調似臨邛
誰憐芳草生三徑參佐橋西陸士龍

寒食前有懷

萬物鮮華雨乍晴春寒寂歷近清明
殘芳荏苒雙飛蝶曉睡朦朧百轉鶯
舊侶不歸成獨酌故園雖在有誰耕
悠然更起巖灘恨一宿東風蕙草生

詞集
同中作

蒼莽寒空遠色愁鳴鳴戍角上高樓吳姬戀思
吹繁管燕客悲歌動五侯千里關山邊草暮一
星烽火朔雲秋夜來霜重西風起隴水無聲凍
不流

偶遊

曲巷斜臨一水間小門終日不開關紅珠斗帳
櫻桃熟金尾屏風孔雀閑雲髻幾迷芳草蝶額
黃無限夕陽山與君便是鴛鴦侶休向人闌覓

往還

宿杜城亡友李羽處士故墅

一作里

柳不成絲草帶煙海槎東去鶴歸天愁腸斷處
春何限病眼開時月正圓花若有情還悵望水
應無事莫潺湲終知此恨難消遣辜負南華第
二篇

經舊遊

珠箔金鈎對綵橋昔年於此見嬌嬈香燈悵望
飛瓊鬢涼月殷勤碧玉簫屏倚故牕山六扇柳

言錦
垂寒砌露千條。壞墻經雨蒼苔遍。拾得當時舊翠翹。

題韋籌博士草堂

玄晏先生已白頭。不隨鴛鴦狎羣鷗。元卿謝冕開三徑。平仲朝歸卧一裘。醉後獨知殷甲子。病來猶作晉春秋。滄浪未濯塵纓在。野水無情處處流。

庭筠七律麗色新聲相逼而就此已不求格力

和道溪君別業

積潤初銷碧草新。鳳陽晴日帶雕輪。絲飄弱柳平橋晚。雪點寒梅小院春。屏上樓臺陳後主。鏡中金翠李夫人。花房透露紅珠落。蛺蝶雙飛護粉塵。

三四風味絕佳

題李處士幽居

水玉簪頭白角巾。瑤琴寂歷拂輕塵。濃陰似帳紅薇晚。細雨如烟碧草春。隔竹見籠疑有鶴。捲簾看畫靜無人。南山自是忘年友。谷口徒興鄭

言金
子真

馬嵬驛

穆滿曾爲物外遊。六龍經此暫淹留。返魂無驗
青烟滅。埋血空生碧草愁。香輦却歸長樂殿。曉
鐘還下景陽樓。甘泉不復重相見。誰道文成是
故侯。

宿雲際寺

白蓋微雲一逕深。東風弟子遠相尋。蒼苔路熟
僧歸寺。紅葉聲乾鹿在林。高閣清香生靜境。夜

堂疎磬發禪心。自從紫桂巖前別。不見南能直
至今。

四語
佳絕

老君廟

紫氣氤氳捧半巖。蓮峯仙掌共巉巖。廟前晚色
連寒水。天外斜陽帶遠帆。百二關山扶玉座。五
千文字闕瑤緘。自憐金骨無人識。知有飛龜在
石函。

五六
擔當

詩鏡

晚唐詩卷之三

十五

詩鏡 卷之三 五
春日將欲東歸寄新及第苗紳先輩

幾年辛苦與君同得喪悲歡盡是空猶喜故人
先折桂自憐羈客尚飄蓬三春月照千山道十
日花開一夜風知有杏園無路入馬前惆悵滿
枝紅

六句
佳絕

五言排律

洞戶

洞戶連珠 方疏隱碧濤燭盤烟墜燼簾壓月

通陰粉白仙郎署霜清玉女砧醉鄉高窈窕某
陣靜悄悄素手琉璃扇玄髻玳瑁簪 看寄

迹梳子詠同心樹列千秋勝樓懸七夕針舊詞
翻白紵新賦換黃金唳鶴調蠻鼓驚蟬應寶琴
舞疑繁易度歌轉斷難尋露委花相妬風欹柳
不禁橋彎雙表迴池漲一篙深清蹕傳恢囿黃
旗幸上林神鷹參翰苑天馬破蹄涔武庫方題
品文園有好音朱莖殊箇蠶丹桂欲蕭森黼帳
廻瑤席華燈對錦衾畫圖驚走獸書帖得來禽

詩鏡

絕唐卷之三

十六

言錄 賦眉卷之三 十一
河署秦樓映山晴。魏闕臨綠囊。逢趙后。青鑲見
王沈。任達嫌孤憤。疎慵倦九箴。若爲南道客。猶
作卧龍吟。

爽氣清音
掃除塵悶

寄渚宮遺民弘里生

柳弱河堤曲。籬疎水巷深。酒闌初促席。歌罷欲
分襟。波月期華燭。汀雲潤故琴。鏡清花並蒂。牀
冷簟連心。荷疊平橋閣。萍稀敗舫沈。賊頭五通
鼓。廳外萬家砧。異縣魚投浪。當年鳥共林。八行
書未滅。千里夢難尋。未肯睽良願。空期嗣好音。
他時因詠作。猶得比南金。

五言絕句

澗碧驛曉思

香燈伴殘夢。楚國在天涯。月落子規歇。滿庭山
杏花。

七言絕句

長安春晚

曲江春半日遲遲。正是王孫悵望時。杏花落盡

詩鏡

晚唐卷之三

十七

不歸去。江上東風吹柳絲。

元處士池上

蓼穗菱叢思蟋蟀。水螢江鳥滿烟蒲。愁紅一片風前落。池上秋波似五湖。

車駕西遊因而有作

宣曲長陽瑞氣凝。上林狐兔待秋鷹。誰將詞賦隨雕輦。寂寞相如卧茂陵。

彈箏人

天寶年中事玉皇。曾將新曲教寧王。鈿蟬金鴈

今零落。一曲伊州淚萬行。

瑤瑟怨

冰簟銀床夢不成。碧天如水夜雲輕。鴈聲遠過瀟湘去。十二樓中月自明。

夏中病疴作

山鬼揚威正氣愁。便辭珍簟襲狐裘。西牕一夕悲人事。圓扇無情不待秋。

庭筠數絕悠裕
不迫意味儘佳

經故翰林袁學士居

言鈞
明
劍逐驚波玉委塵。謝安門下更何人。西州城外
花千樹。盡是羊曇醉後春。

春字最楚花時
對此倍爲慘然

李頻

字德新睦州人宣宗大中八年進士調秘書郎官員外郎除建州刺史頻治建以禮法化下更布教條建賴以安卒葬於永樂州爲立祠黎山歲祀之至宋錫王封有集一卷

五言律詩

送人遊吳

楚田開雪後草色與君看積水浮春氣深山滯
雨寒。毘陵孤月出建業一鍾殘爲把鄉書去因

收別淚難

三四語
氣佳

七言絕句

春日旅舍

未識東西南北路青春白日坐銷難如何一別
故園後五度花前五處看

末語
足傷

聞金吾妓唱梁州

聞君一曲古梁州驚起黃雲塞上愁秦女樹前

詩鏡

絕唐卷之二

十一

言金
花正發北風吹落滿城秋

氣格絕
似盛唐

贈涇州王侍御

一旦天書下紫微三年旌旆隴雲飛塞門無事
春空到邊草青青戰馬肥

李羣玉

字又山澧州人大中開元間詣闕上表宰相
崔鉉進其詩以處士除弘文館校書郎
唐藝文志云裴休觀察湖南厚延致之及為
相以詩論薦授書郎有詩三卷後集五卷

並
行

七言律詩

杜丞相棕筵中贈美人

裙拖六幅瀟湘水髻挽巫山一片雲
貌態祇應天上有歌聲豈合世間聞
胸前瑞雪燈斜照眼底桃花酒半曛
不是相如憐賦客肯交容易見文君

起二語絕從年
五句俚氣

湘陰江亭寄友人

湘岸初晴淑景遲風光正是客愁時
幽花暮落騷人水芳草春深帝子祠
往事隔年如過夢舊

詩鏡

絕唐卷之三

二十一

遊迴首設勞思煙波自此扁舟去酌酒聯文杳
未期

黃陵廟

小孤洲北浦雲邊二女明粧共儼然野廟向江
春寂寂古碑無字草芊芊東風日暮吹芳芷落
日山深哭杜鵑猶似含顰望巡狩九疑愁黛隔
湘川。

李郢

卷一

字楚望大中進士爲藩鎮從事終於侍御
史又按九國志郢長安人唐末避亂嶺表

七言律詩

錢塘青山題李隱居西齋

小隱西亭爲客開翠蘿深處遍青苔林間掃石
安棋局巖下分泉遞酒杯蘭葉露光秋月上蘆
花風起夜潮來湖山遠屋猶嫌淺欲棹漁舟近
釣臺

司馬禮

大中時人工詩
時稱爲先輩

七言絕句

宮怨

詩金
柳色參差掩畫樓。曉鶯啼送滿宮愁。年年花落無人見。空逐春泉出御溝。

劉駕

字司南。江東人。大中時官國子博士。

五言古詩

曲江春霽

宿雨洗秦樹。舊花如新開。池邊草未乾。日照人馬來。馬蹄踏流水。漸漸成塵埃。鴛鴦不敢下。飛繞岸東西。此地喧仍舊。歸人亦滿街。

戰城南

城南征戰多。城北無饑鴉。白骨馬蹄下。誰言皆有。家城前水聲苦。倏忽流萬古。莫爭城外城。城裏終閑土。

三四語苦

末二語警

寄遠

雪花豈結子。徒滿連理枝。嫁與征人妻。不得長相隨。去年君點行。賤妾是新歸。別早見未熟。入夢無定姿。悄悄空閨中。蛩聲遶羅帷。得書喜猶甚。况復見君時。

詩
有真
語

早行

馬上續殘夢馬嘶時復驚心孤多所虞僮僕近
我行栖禽未分散落月照古城莫羨居者閑冢
邊人已耕

馬上續殘夢最
作末語帶感情

上馬歎

羸馬行遲遲頑童去我遠時時一回顧不覺白
日晚路傍豪家宅樓上紅粧滿十月庭花開

前吹玉管君當未貴日豈不常屯蹇如何見布
衣忽若塵入眼布衣豈常賤世事車輪轉

五言絕句

築臺詞

漢武築通天
役者苦之

前杵與後杵築城聲不住我願築更高得見秦
王墓

七言絕句

長門怨

御泉長遶鳳凰樓只是恩波別處流閑摺舞衣

歸未得夜來砧杵六宮秋

杜荀鶴

字彥之池州人早有詩名累舉不第大
中間進士遷主客員外郎天祐初卒自
號九華山人有唐風集三卷或云牧
之妾有娠出嫁鄉士杜筠生荀鶴

五言律詩

春官怨

早被嬋娟誤。欲粧臨鏡慵。承恩不在貌。教妾若
為容。風暖鳥聲碎。日高花影重。年年越溪女。相
憶採芙蓉。

三四善怨五
六緝繡語

附送陳明歸麻川 麻川清見底似入武陵
溪兩岸山相向二春鳥亂啼酒旗和柳動僧
屋如雲齊即此吾
鄉路懷君夢不迷

七言絕句

旅舍遇雨

月華星彩坐來收。嶽色江聲暗結愁。半夜燈前
十年事。一時和雨到心頭。

語格
早甚

儲嗣宗

大中十三年
進士及第

五言律詩

詩境

晚唐卷之三

二二四

春遊望仙谷

清無車馬塵深洞百花春雞犬疑沾藥耕桑似
避秦登山採樵路臨水浣紗人若得心無事移
家便卜鄰

經故人舊居

萬里訪遺塵鶯聲淚濕巾古書無主散廢宅與
山鄰宿草風悲夜荒村月弔人淒涼間殘柳今
日爲誰春

七言絕句

小樓

松杉風外亂山青曲几焚香對石屏空憶去年
春雨後燕泥時污太玄經

曹鄴

字鄴之 州人常爲四愁三愁五情詩爲
舍人韋愨所知力薦於主司大中時登進
士第官洋州
刺史集三卷

五言古詩

洛原西望

築城畏不堅城堅心自毀秦樹滿平原秦人不
居此猶爲泣路者無力報天子

城南野居寄知己

奔走未到我在城。如在村。出門既無意。豈如常。
閉門作詩二十載。闕下名不聞。無人爲開口。君
子獨有言。身爲苦寒士。一笑亦感恩。慙慙中途
上。勿使車無輪。

起四語真趣不俗

從天平節度使遊平流園

池塘靜於寺。俗事不到眼。下馬如在山。令人忽
疎散。明公有高思。到此遂長返。乘興挈一壺。折

荷以爲蓋。入竹藤似虵。侵墻水成蘚。幽鳥不識
人。時來拂冠冕。泓流路若窮。及行路猶遠。洞中
已云夕。洞口天未晚。自憐不羈者。寫物性常簡。
翻愁此興多。引得嵇康嬾。

始皇陵下作

千金買魚燈。泉下照狐兔。行人上陵過。却弔扶
蘇墓。纍纍壙中物。多於養生具。若使山可移。應
將秦國去。舜歿雖在前。今猶未封樹。

語多警切

代羅敷誚使君

常言愛高山別妾向東京。來見人說却知在石城。未必菖蒲花。只向石城生。自是使君眼見物。皆有情。麋鹿同上山。蓮藕同在泥。莫學天上日。朝東暮還西。

慧心
鈍口

風人體

出門行一步。形影便相失。何況大堤上。驄馬如箭疾。夜夜如織婦。尋思待成疋。郎只不在家。在

家亦如出。將金與卜人。譎道遠行吉。念郎緣底事。不具天與日。

棄婦

嫁來未曾出。此去長別離。父母亦有家。羞言何以歸。此日年且少。事姑常有儀。見多自成醜。不待顏色衰。

七言律詩

題濮廟

曉祭瑤齋夜扣鐘。鼇頭風起浪重重。人間直有

言錦
仙桃種海上應無肉馬蹤赤水夢沈迷象罔翠
華恩斷泣芙蓉不知皇帝三宮駐始向人間着
袞龍

送進士下第歸南海

數片紅霞映夕陽攬君衣袂更移觴行人莫歎
碧雲晚上國每年春草芳雪過藍關寒氣薄鴈
回湘浦怨聲長應無惆悵滄波遠十二玉樓非
我鄉

五言絕句

早起

月墮滄浪西開門樹無影此時歸夢闌立在梧
桐井

古莫買妾行

千扇不當路未似開一門若遣綠珠醜石家應
尚存

四怨三愁五情詩十二首

并序

鬱於內者怨也阻於外者愁也犯於性者情
也三者有一賊於前必爲顛爲沴爲蚤死人

言錄
鄴專仁誼久矣有舉不得用心恐中去聲斯物
殞天命幸未死間作四怨三愁五情以望詩
人救

一怨

美人如新花許嫁還獨守豈無青銅鏡終日自
疑醜

二怨

庭花已結子巖花猶弄色誰令生處遠用盡春
風力

三怨

短鬟一如螭長眉一如蛾相共棹蓮舟得花不
如他

四怨

手推嘔啞車朝朝暮暮耕未曾分得穀空得老
農名

一愁

遠夢如水急白髮如草新歸期待春至春至還
送人

二愁

澗草短短青山月朗朗明此夜目不掩屋頭烏啼聲

三愁

別家鬢未生到城鬢似髮朝朝臨川望灞水不入越

一情

東西是長江南北是官道牛羊不戀山只戀山中草

二情

阿嬌生漢宮西施住南國專房莫相妬各自有顏色

三情

蛺蝶空中飛天桃庭中春見他夫婦好有女初嫁人

四情

檳榔自無柯椰葉自無陰常羨庭邊竹生筍高於林

詩竟

詩集
五情

野雀空城饑交交復飛飛勿怪官倉粟官倉無
空時

甲第

遊人未入門花影出門前將軍來此住十里無
荒田

庭草

庭草根自淺造化無遺功低回一寸心不敢怨
春風

樂府體

蓮子房房嫩菖蒲葉葉齊共結池中根不厭池
中泥

築城

郎有薜蘿心妾有芙蓉質不辭嫁與郎築城無
休日

築人非築城圍秦豈圍我不知城上土化作宮
中火

七言絕句

詩竟

早秋宿田舍

澗草疎疎螢火光。山月朗朗楓樹長。南村犢子
夜聲急。應是欄邊新有霜。

劉滄

字蘊靈。魯人。大中八年進士。調華原尉。遷龍門令。

七言律詩

與重幽上人話舊

雲飛天末水空流。省與師同別異州。庭樹蟬聲
初入夏。石牀苔色幾經秋。燈微靜室生鄉思。月
上嚴城話旅遊。自喜他年接巾舄。滄浪地近虎

溪頭

寄遠


西園楊柳暗驚秋。寶瑟朱絃結遠愁。霜落鴈聲
來紫塞。月明人夢在青樓。蕙心迢遞湘雲暮。蘭
思縈迴楚水流。錦字織成添別恨。關河萬里路
悠悠。

晚唐第三

詩卷

卷之三

三十一



國家圖書館, NATIONAL CENTRAL LIBRARY, TAIWAN, R.O.C.

晚唐第四

唐詩鏡五十二

構李陸時雍選評

趙林翹

錢塘

張煥如

叅定

陸龜蒙

字魯望吳中人舉進士不第居松江甫里多所論撰有田數百畝屋三十楹性

嗜茶置園顧渚山下歲取租茶自判品第又不喜與俗交雖造門不肯見不乘馬升舟設蓬席齋束書茶竈筆牋具往來時謂江湖散人或號天隨子甫里先生自此潛翁漁父江上丈人後以高士召不至卒有笠澤叢書三卷并詩文十六卷行

五言古詩

國家圖書館, NATIONAL CENTRAL LIBRARY, TAIWAN, R.O.C.



奉詔襲美先輩吳中苦雨一百韻見寄
微生參最靈天與意緒拙人皆機巧求
一達家爲唐臣來奕世惟稷卨只垂清白風
凜白貽厥猶殘賜書在編簡苦斷絕其間忠孝
字萬古光不滅孱孫誠曹昧有志常楫楫敢云
嗣良弓但欲終守節誼譁不入耳讒佞不挂舌
仰詠堯舜言俯遵周孔轍所貪旣仁義豈暇理
生活縱有舊田園拋來亦蕪沒因之成否塞十
載真契濶凍肝一澹禴饑腸少糠粃甘心付天

壤委分任迴幹笠澤卧孤雲桐江釣明月盈筐
盛芡芰滿釜煮鱸鱖酒幟風外鮫茶槍露中擷
歌謠非大雅摺摺爲小說上可補薰莖傍堪趾
牙蘂方當賣罽罽盡以易紙札踪跡尚吳門夢
魂先魏闕尋聞天子詔赫怒誅叛卒宵旰憫烝
黎謨明問征伐王師雖繼下賊壘未卽拔此時
淮海波半是生人血霜戈驅少壯敗屋棄羸耄
踐蹋比塵埃焚燒同藁秸吾皇自神聖_聖皆
間傑射策亦何爲春卿遂聊輟伊予將貢技未

言金
有耻可刷却問漁樵津重耕煙雨撥諸侯急兵
食冗賸方翦截不可抱詞章巡門事干戈歸來
闔蓬榷壁立空裋褐煖手抱孤煙披書向殘雪
幽憂和憤懣忽愁自驚蹶文兮乏寸毫武也無
尺鐵平生所韜蓄到死不開豁念此令人悲翁
然生內熱加之被駁瘵况復久藜糲既爲霜露
侵一臥增百疾筋骸將束縛腠理如箠撻初謂
抵狂貇又疑當毒蝎江南多事鬼巫覡連甌粵
可口是妖訛恣情專賞罰良醫只備位藥肆成

虛設而我正萎痿安能致訶咄椒蘭任芳苾精
糲從羅列醜竿旣屢傾錢刀亦隨焚兼之瀆財
賄不止行誚竊天地如有知微妖豈逃殺其時
心力憤益使氣息憊永夜更呻吟空牀但皮骨
君來贊賢牧野鶴聊簪笏謂我同光塵心中有
溟渤輪蹄相壓至問遺無虛月首到春鴻濛猶
殘病根菱看花雖眼暈見酒忘肺渴隱几還自
怡逢盧亦爭喝抽毫更唱和劍戟相摩憂何大
不包羅何微不挑剔今來值霖雨晝夜無暫歇

言金 卷之四 三
雜若碎淵淪高如破轆轤何勞鼉吼岸詎要鶴
鳴埵祗意江海翻更愁山嶽裂初驚蚩尤陣虎
豹爭搏噬又疑伍胥濤蛟蜃相蹙拶千家濛瀑
練忽似好披拂萬瓦隨玉繩如堪取縈結况予
居低下本是蛙蚓窟邇來增號呼得以恣唐突
先誇屋舍好又恃頭角凸厚地雖直方身能徧
穿穴常叅莊辨裏亦造楊玄未偃仰縱無機形
容且相忽低頭增歎怏到口復咽嗚沮洳漬琴
書莓苔染巾襪解衣換倉粟秕稗猶未脫饑鳥

屢窺臨泥童苦舂師或聞秋稼穡大半沈澎汜
耕父蠹齊民農夫思旱魃吾觀天之意未必洪
水割且要虐飛龍又圖滋跛鼈三吳明太守左
右皆儒哲有力卽扶危懷仁過救暍鹿門皮夫
子氣調真俊逸截海上雲鷹橫天下鞫鶻文壇
如命將可以持玉鉞不獨展義軒便當成老佛
顧予爲山者所得財簣撮譬如飾箭材尚欠鏃
與箬閒將斂兒唱疆倚帝子瑟幸得遠瀟湘不
然嗤賈屈開緘窺寶肆璣貝光比櫛朗詠衝樂

言錄 不曉唐卷之四 四
懸陶匏嚮鏗搗古來愁霖賦不是不清越非君
頓挫才沴氣難摧折馳情扣虛寂力盡無所掇
不足謝徽音祗令凋鬢髮

滾滾汨汨相注而來絕無排疊堆垛之
病所以爲難自少陵以來可稱絕響

讀襄陽耆舊傳因作詩五百言寄皮襲

美

漢臯古來雄山水天下秀高當軫翼公化作英
髦囿暴秦之前人灰滅不可究自從宋生賢特
立冠耆舊離騷旣日月九辨卽列宿卓哉悲秋

辭合在風雅右靡公樂幽隱辟聘無所就祗愛
鹿門泉冷冷倚巖漱孔明卧龍者潛伏躬耕耨
忽遭玄德雲遂起鱗角闢三胡節皆峻二習名
亦茂其餘文武家相望如斥埃緬思齊梁降寂
寞寡清胃疑融爲漪瀾復結作瑩璠不知粹和
氣有得方大授將生皮夫子上帝可其奏并包
數公才用以殿厥後嘗聞兒童歲嬉戲陳俎豆
積漸開詞源一派分萬流先崇丘旦室大懼隳
結構次補荀孟垣所貴亡罅漏仰瞻三皇道蟣

虱在宇宙却視五伯圖股掌弄孩幼或能醢醜
髀或與翼雛殼或喜掉直舌或樂斬斜脰或耨
鉏翳蒼或整理錯謬或如百千騎合沓原野狩
又如曉江平風死波不皺幽理力須掘遺落貲
必購乃於文學中十倍猗頓富囊乏向咸鑄馬
重遲步驟專場射策時縛虎當羿殼歸來把通
籍且作高堂壽未足逞戈矛誰云被文繡從知
隅東下帆影拂吳岫物象悉摧藏精靈畏雕鏤
伊予抱沈疾顛顛守圭竇方推洪範疇更念太

玄首

去聲

陳詩採風俗學古窮篆籀朝朝貰薪米

往往逢責詬既被隣里輕亦爲妻子陋特冠適
甌越敢怨不得售窘若曬沙魚悲如哭霜狄唯
君枉車轍以逐海上臭披襟兩相對半夜忽白
晝執熱濯清風忘憂飲醇酎驅爲文翰侶鴛皂
叅驥廐有詩諧宮商自喜真邂逅道孤情易苦
語直詩還瘦藻匠如見訓終身置懷袖

所謂磊
落英多

奉和皮日休初夏遊楞伽精舍次韻

言金
晚唐卷之四
吳都溼汀洲碧液浸郡郭微雨蕩春醉上下一
清廓竒蹤欲探討靈物先瘵瘼飄然蘭葉舟旋
倚烟霞泊吟譚亂篙榜夢寐雜嘯嘒織情不可
逃洪筆難暫閣豈知楞伽會乃在山水箔金仙
著書日世界名極樂簷蔔冠諸香琉璃代華堊
禽言經不輟象口川寧涸萬善峻爲城巉巉扞
羣惡清晨欲登造安得無自愕險穴駭坤牢高
蘿挂天竿池容澹相向蛟怪如可摸苔蔽石髓
根蒲差水心鏢嵐侵答摩髻日照後猊絡仰首

乍眩旋迴眸更輝燿簷端凝

去聲

飛羽磴外浮碧

落到迴解風襟臨幽濯雲屨塵機性非便靜境
心所著自取海鷗知何煩尸祝酢峯圍震澤岸
翠浪舞綃幕瀲灩豈堯遭峻嶮非禹鑿潛聽鐘
梵處別有松桂壑靄重燈不光泉寒網猶薄僮
能躡孤剝鳥慣親撻鐸服道身可遺乞閑心已
諾人間亦何事萬態相毒蠱戰壘競高深儒衣
謾褻博宣尼名位達未必春秋作管氏包伯圖
須人解其縛伊予采樵者蓬藿方索寞近得風

言錦
雅情聊將聖賢度多君富適采識度兩清恪詎
寵生滅詞肯教夷夏錯未爲堯舜用且向煙霞
託我亦擺塵埃他年附鴻鶴

補沈恭子詩

并序

按清遠道士詩題中有沈恭子同遊旣爲神
怪之儔得非姓氏謚爲恭子若趙宣子韓獻
子之類耶恭子美謚也而詩中有風流詞翰
之稱豈獨唱而不和者與疑闕其文以爲恭
子之恨乃作一章存於編中亦補亡之義也

靈質貫軒昊遐年越商周自然失遠裔安得怨
寡儔我亦小國胤易名慙見優雖非放曠懷雅
奉逍遙遊攜手桂枝下屬詞山之幽風雨一以
過林麓颯然秋落日倚石壁天寒登古丘荒泉
已無夕敗葉翳不流亂翠缺月隱衰紅清露愁
覽物性未逸反爲情所囚異才偶絕境佳藻窮
冥搜虛傾寂寞音敢作雜珮酬

翠亂二
語新穎

紫溪翁歌

一丘之木其棲深也屋吾容不辱一溪之石其
 居平也席吾勞以息一竇之泉其音清也絃吾
 方在懸得乎人得乎天吾不知所以然而然先
 生側弁而賡之日采江之魚今朝船有鱸采江
 之蔬兮暮筐有蒲左圖且書右琴與壺壽歟天
 歟貴歟賤歟歌闕而去

附鶴屏。時人重花屏獨卽胎花狀叢毛練
 分綵疎節節相望曾如氈毼態頗得連軒像
 勢擬搶高尋身猶在函丈如憂雞鶩闔似憶
 煙霞向塵世任縱橫霜襟自開放空資明遠
 思不待浮丘相何由振玉衣一舉棲瀛閩
 附別雜曲。丈夫非無淚不灑離別間仗劍

對樽酒耻爲遊子顏蛟地一螯手壯士疾解
 腕所思在功名離別何足歎

七言古詩

丁隱君歌

華陽道士南遊歸手中半卷青羅衣自言逋客
 持賜我乃是前塘丁翰之連江大抵多奇岫獨
 話君家最孤秀盤燒天竺春笋肥琴倚洞庭秋
 石瘦草堂暗引龍泓溜老樹根株若蹲獸霜濃
 果熟未容收往往兒童雜猿狖去歲猖狂有黃
 寇官軍駭散無人鬪滿城奔送翰之閑祗把枯

言金
松塞圭竇前度相逢正賣文一錢不值虛云云
今來利作採樵客以可拋身麋鹿羣丁隱君昂
頭且莫變名氏卽日便尋丁隱君

五言律詩

初冬章上人院

每伴來方丈還如到四禪
硯分荒砌露茶待遠
山泉畫古全無跡
林寒却有烟相看
吟未竟金
磬已泠然

七言律詩

奉和吳中書事

風清地古帶前朝遺事紛紛未寂寥
三茆涼波
漁絕動遠祖士衡對晉武帝以三茆冬溫夏涼
五茸吳王獵所草各有名春草雉媒嬌
雲藏野寺分金剝月在江樓倚玉
簫不用懷歸忘此景吳王看卽奉弓招

奉和吳中言懷

曾見凌風上赤霄盡將華藻赴嘉招
城連虎踞
山圖麗路入龍編海舶遙江客漁歌衝白苻野
禽人語映紅蕉庭中必有君遷樹莫向空臺望

詩金
取肩卷之四
漢朝

奉和襲美贈潤卿

朝市山林隱一般，却歸那減臥雲懽。
墜堦紅葉誰收得，半盞清醪客醉乾。
玉笈詩成吟處曉，金沙泉落夢中寒。
真仙若降如相問，曾步星綱繞醮壇。

襲美將以綠蜀爲贈，因成四韻

三徑風霜利若刀，檐楹吹斷冒蓬蒿。
病中祗自悲龍具，世上何人識羽袍。
狐貉近懷珠履貴，薜蘿遙羨白巾高。
陳王輕暖如相遣，免製衰荷效廣騷。

奉和褚家林亭

一陣西風起浪花，遶欄干下散瑤華。
高窻曲檻仙侯府，卧葦荒芹白鳥家。
孤島待寒凝片月，遠山終日送餘霞。
若知方外還如此，不要乘秋上海槎。

五六裝
句法嫩

奉和暇日獨處

詩竟

兔唇卷之四

十一

謝府殷樓少暇時又拋清宴入書帷三千餘歲

上下古八十一家文字奇

司馬遷書上下紀三千餘歲太玄有八十

一家率多奇字

冷夢漢臯懷鹿隱靜憐煙島覺鴻離知

君滿篋前朝事鳳諾龍奴借與窺

五六情

不稱詞

奉和次韻懷茅山

一片輕帆背夕陽望三峯拜七真堂天寒夜漱
雲牙淨雪壞晴梳石髮香自拂煙霞安筆格獨
開封檢試砂牀莫言洞府能招隱會輾飈輪見

玉皇

酬襲美病中見寄次韻

日華風蕙正交光羯末相攜藉草塘

羯謝玄小字末謝川

小佳酒旋傾醞醪嫩短船閒弄木蘭香煙絲鳥

拂來縈帶藥榼人收去約簧今日好爲聯句會
不成剛爲欠檀郎

懷楊台文楊鼎文二秀才

秋早相逢待得春崇蘭清露小山雲寒花獨自
愁中見曙角多同醒後聞釣具每隨輕舸去詩

言金
題間上小樓分重思醉墨縱橫甚書破羊欣白
練裙

代廣文先生訓荆襄卜居次韻

不知天隱在何鄉且欲煙霞跡暫雙鶴廟未能
齊月馭鹿門聊擬竝雲窻蘇銜荒磴移桑屐花
浸春醪挹石缸莫惜槎頭容釣伴也應東印有
餘江

襲美以魚牋見寄因謝成篇

擣成霜粒細鱗鱗知作愁吟幸見分向日乍驚

新繭色臨風時辨白萍文

魚子曰
白萍

好將花下承

金粉堪送天邊詠碧雲見倚小牕親襞染盡圖
春色寄夫君

三四布擺入套
五六裝點得來

春雨卽事寄襲美

小謝輕埃日日飛城邊江上阻春暉雖愁野岸
花房凍還得山家藥笋肥雙屐著頻看齒折敗
裘披苦見毛稀比鄰釣叟無塵事灑笠鳴蓑夜
半歸

秋夕文宴得成字

筆陣初臨夜正清，擊銅遙認小金鉦。
飛觥壯若遊燕市，覓句難於下趙城。
隔嶺故人因會憶，傷簷棲鳥帶吟驚。
梁王座上多詞客，五韻甘心第七成。

三四
語趣

王先輩草堂

松徑隈雲到靜堂，杏花臨澗水流香。
身從亂後全家隱，日校人間一倍長。
金籙漸加新品秩，玉

皇偏賜羽衣裳，何如聖代彈冠出方朔。
曾爲漢侍郎。

偶掇野蔬寄襲美有作

野園煙裏自幽尋，嫩甲香蕤引漸深。
行歇每依鷗鼻影，挑頻時見鼠姑心。
凌風藹彩初攜籠，帶露虛疎或貯襟。
欲助春盤還愛否，不妨瀟灑似家林。

不浮
不俚

和顏弘至過張處士丹陽故居

并序

詩金 明身卷之四
張祐字承吉元和中作宮體小詩辭曲艷發
當時輕薄之流能其才合譟得譽及老大稍
窺建安風格誦樂府錄知作者本意短章大
篇往往間出諫諷怨譎時與六義相左右善
題目佳境言不可刊置別處此爲才子之最
也由是賢俊之士及高位重名者多與之游
謂有鵠鷺之野孔翠之鮮竹栢之貞琴磬之
韻或薦之於天子書奏不下亦受辟諸侯府
性狷介不容物輒自劾去以曲阿地古澹有

南朝之遺風遂築室種樹而家焉性嗜水石
常悉力致之從知南海間罷職載羅浮石笋
還不蓄善田利產爲身後計死未二十年而
故姬遺孕凍餒不暇前所謂鵠鷺孔翠竹栢
琴磬之家雖朱輪尚乘遺編尚吟未嘗一省
其孤而恤其窮也噫人假之爲玩好不根於
道義耶懼其怨刺於神明耶天果不愛才沒
而猶譴耶吾一不知之友人顏弘至行江南
道中訪其廬作詩弔而序之屬予應和予泫

沒者不足哀承吉之道邀襲美同作庶乎承
吉之孤倚其傳而有憐者

勝華通子共悲辛荒徑今爲舊宅鄰一代交遊
非不貴五湖風月合教貧魂應絕地爲才鬼名
與遺編在史臣聞道平生徧愛石至今猶泣洞

庭人

五六

悲壯

詩家最病無情之語中晚律率多情
不副詞堆叠成篇故無生韻流動

五言排律

奉和次韻江南書情

裁志如魚樂君詞稱鳳銜暫來從露冕何事買
雲巖水石應容病松篁未聽讒。罐香松蠹膩山
信藥苗緘愛鷺歆危立思援矍鑠。謝才偏許
眺阮放最憐咸大樂寧忘岳竒工肯顧城客愁
迷舊隱鷹健想秋冕硯缺猶慵琢文繁却要芟
雨餘幽沼淨霞散遠峰巉洗筆烟成段培花土
作杕訪僧還覓伴。醫鶴自須監荒廟猶懷季清
灘幾夢巖背風開壺簡衝浪試新帆。悶憶年支

言錦
酒閑裁古樣衫釣家隨野舫仙蘊逐彫函度歲
賒羸馬先春買小蠟共疏泉入竹同坐月過杉
染翰窮高致懷賢發至誠不堪潘子鬢愁促易
彫彫

語語新琢其言
皆築筆而成

奉和古杉三十韻

衆木盡相遺孤芳獨任竒插天形硤兀當殿勢
脆危恐是夸娥怒教臨巖巖衰節穿開耳目根
癭坐熊羆世只論榮落人誰問等衰有巔從日

上無葉與秋欺虎搏應難動雕蹲不敢遲戰鋒
新缺齧燒岸黑黓薰闕死龍骸雜爭奔鹿角差
肢銷洪水腦稜聳梵天眉磔索珊瑚湧森巖獬
豸窺向空分犖指衝浪出鯨鬚楊僕船撞在蚩
尤陣燾隳下連金粟固高用鐵凌披挺若符堅
槌浮於祖納椎崢嶸驚露鶴遞速閔雲螭傍宇
將支壓撐霄欲抵巇背交蟲臂搨相向鶻拳追
格筆莖猶立階干卓未麾鬼神應暗畫風雨恐
潛移已覺寒松伏徧宜后土疲好邀清嘯傲堪

映古茅茨材大應容蝎年深必孕夔後凋依佛
 氏初植必僧彌擁腫煩莊辯槎牙費庚詞詠多
 靈府困搜苦化權卑類既區中寡朋當物外推
 蟠桃標日域珠草侍仙墀真宰誠求夢春工幸
 可鑿若能噓簷竹猶足動華滋

語近
韓賈

報恩寺南池聯句

古岸涵碧落龜蒙虛軒明素波坐來魚陣變日吟
 久菊英多秋草分杉露嵩起危橋下竹坡遠峰青

髻並龜蒙古蘚綠髻和趙論寒仍講日休支磻僻亦

過齋心曾養鶴嵩起揮翰好邀鵝倚石收竒藥龜蒙

臨溪藉淺莎桂花晴似拭日休荷鏡曉如磨翠出

牛頭聳嵩起苔深馬跡跛傘欹從野醉龜蒙巾側任

田歌跣跣松形矮日休嬰跚檜樾炷香飛僧印火

嵩起泉急使鑣珂菱鈿真堪帖龜蒙尊絲亦好拖幾

時無一事日休相伴著煙蘿嵩起

開元寺樓看雨聯句與皮日休

海上風雨來掀轟逐飛電登樓一凭檻滿眼蛟

龍戰

龜蒙

須臾造化慘倏忽堪輿變萬戶響戈

鋌千家披組練

日休

羣飛拋輪石雜下攻城箭

點急似摧胸行斜如中面

龜蒙

細灑魂空冷橫

飄目能眩垂簷珂珮喧掬瓦珠璣濺

日休

無言

九垓遠瞬息馳應徧密處正垂絙微時又懸綫

龜蒙

寫作玉界破吹為羽林旋翻傷列缺勞却

怕豐隆倦

日休

遙瞻山露色漸覺雲成片遠樹

欲鳴蟬深簷尚藏燕

龜蒙

殘雷隱鱗盡反照依

微見天光潔似磨湖彩熟於練

日休

疎帆逗前

渚晚磬分涼殿接思強揮毫窺詞幾焚硯

龜蒙

佶栗烏皮几輕明白羽扇畢景好疎吟餘涼可

清宴

日休

君攜下高磴僧引還深院駁蘚淨鋪

筵低松濕垂鬚

龜蒙

齋明乍虛豁林霽逾蔥蒨

早晚共登臨欲去多離戀

日休

六言古詩

奉和胥口卽事

把釣絲隨浪遠采蓮衣染香濃綠倒紅飄欲盡
風斜雨細相逢斷岸沈魚罟畧鄰村送客艫舸

詩鏡 晚唐卷之四 十九
卽是清霜刮野乘閒莫厭來重

五言絕句

雙聲溪上思

溪空唯容雲木密不隕雨迎魚隱映間妾問謳
鴉榜。

洞房怨

玉插朝扶鬢金梯晚下臺春衫將別淚一夜兩
難裁

古態

古態日漸薄新粧心更勞城中皆一尺非妾髻
鬟高

風人詩

十萬全師出遙知正憶君一心如瑞麥唯作兩
岐分

七言絕句

奉和館娃宮

寶袜香綦碎曉塵亂兵誰惜似花人伯勞應是
精靈使猶向殘陽泣暮春。

奉和櫻桃園宴

佳人芳樹雜春蹊。花外煙濛月漸低。幾度艷歌春欲轉。流鶯驚起不成棲。

奉和襲美春夕酒醒

幾年無事傍江湖。醉倒黃公舊酒垆。新月上滿身花影。倩人扶。

未句
趣

奉和皮襲美釣侶次韻

一艇輕擘看晚濤。接離拋下漉春醪。相逢便倚

蒹葭泊。更唱菱歌擘蟹螯。

雨後沙虛古岸崩。魚梁移入亂雲層。歸時月墮汀洲暗。認得妻兒結網燈。

景趣
真

藥名離合夏日卽事三首

乘屐著來幽砌滑。石罌煎得遠泉甘。草堂祇待新秋景。天色微涼酒半酣。

避暑醉眠從朴野。葛巾筠席更相當。歸來又好乘涼釣。藤蔓陰陰著雨香。

詩集
曉風卷之四
三十一
牕外曉簾還自卷。栢煙蘭露思晴空。青箱有意
終須續。斷簡遺編一半通。

奉和木蘭後池

重臺蓮花

水國煙鄉足芰荷。就中芳瑞此難過。風情爲與
吳王近。紅萼常教一倍多。

白蓮

素蘂多蒙別艷欺。此花真合在瑤池。還應有恨
無人覺。月曉風清欲墮時。

風來
絕色

醉中戲贈襲美

南北風流舊不同。伶吳今日若相通。病來猶伴
金杯酒。欲得人呼褚公。

女墳湖

水平波淡遶迴塘。鶴殉人沈萬古傷。應是離魂
雙不得。至今沙上少鴛鴦。

艷

宮人斜

詩鏡

絕唐卷之四

三十三

草樹愁煙似不春。晚鶯哀怨問行人。須知一種埋香骨。猶勝昭君作虜塵。

薔薇 一作皮日休 重題薔薇

濃似猩猩初染素。輕於燕燕欲凌空。可憐細麗難勝日照得。深紅作淺紅。

聶夷中 字坦之河東人懿宗咸通中為華陰尉詩二卷

五言古詩

田家

父耕原上田。子斲山下荒。六月禾未秀。官家已

修倉鋤田。當日午汗滴禾下土。誰念盤中餐粒

粒皆辛苦

聶夷中詩第可作詩中之話若竟作詩未見有佳處以意盡而無餘韻也

五言律詩

傷田家

二月賣新絲。五月糶新穀。醫得眼前瘡。剗却心

頭肉。我願君王心。化作光明燭。不照綺羅筵。只

照逃亡屋

唐人入古便少雅趣所以為難 惟韓昌黎河青水中蒲最絕

詩竟

晚唐卷之四

二三

于瀆

字子漪堯山人咸通進士

五言古詩

擬古意

白玉若無玷花顏須及時國色久在室良媒亦
生疑鴉鬟未成髻鸞鏡徒相知翻慙効顰者却
笑從人遲

于瀆詩意思絕饒色不潤語

沙場夜

城上更聲發城下杵聲歇征人燒斷蓬對泣沙

中月耕牛朝輓甲戰馬夜銜鐵士卒浣戎衣交

河水爲血輕裘兩都客洞房愁宿別何泥遠辭

家生死猶未決

征人燒斷蓬對泣沙中月語稍得趣凡景中帶趣語始不呆

附長城秦皇豈無德蒙氏非不武豈將版築功萬里遮胡虜風沙世所難作壘明知苦死者倍堪傷僂屍猶抱杵十年居上郡四海誰爲主縱使骨爲塵宛名不入土

邵謁

按本集序云謁韶州翁縣人少傳聞爲縣吏客至令怒不搯牀遂截髻著縣門發憤讀書書堂隱起水心距縣十里謁平居如里中兒未冠者束髮苦吟尤能工古調尋抵京師隸國子時溫庭筠主試乃榜三十餘篇以振公道已而釋褐後赴官不知所終

詩境

晚唐卷之四

五言古詩

古樂府

對酒彈古琴絃中發新音新音不可辨十指幽
怨深妾顏不自保四時如車輪不知今夜月曾
照幾時人露滴芙蓉香香銷心亦死良時無可
留殘紅謝池水

絕有感意意
盡了無餘音

附輕薄行長安一花闕
九陌馬蹄疾亦佳語

晚唐第四

晚唐第五

唐詩鏡五十三

檇李陸時雍選評

錢塘 趙林翹
張煥如 參定

方干

字雄飛新定人張八元印其外王父也一
云歙人兔缺號缺唇先生有司以故不與
科名咸通中隱鑑湖恣態山墅時號方處士
嘗謂廉倖誤三拜人稱方三拜將薨而卒門
人諡玄英先生集十卷

五言律詩

經周處士故居

詩鏡 卷之五
愁吟與獨行何事不傷情久立釣魚處唯聞啼
鳥聲山蔬和草嫩梅柳入籬生吾在茲溪上懷
君恨不平

三四韻
趣雅

送姚合員外赴金州

受詔從華省開旗發帝州野煙新驛曙殘照古
山秋樹勢連巴沒江聲入楚流惟應行化後吟
句上雲樓

七言律詩

除夜

玉漏斯須欲遠晨四時吹轉任風輪寒燈短燼
方燒臘畫角新聲已報春明日便爲今歲客昨
朝猶是少年人新正定數隨年減浮世唯應百
遍新

語氣
溜亮

旅次揚州寓居郝氏林亭

舉目縱然非我有思量自在故山時鶴盤遠勢
投孤嶼蟬曳殘聲過別枝涼月照牕欹枕倦潑

詩鏡 卷之五 三
泉遶石泛觴遲青雲未得平行去夢遶江南身
旅羈

附遊張公洞下蒸陰氣松蘿濕外制溫風杖履寒下句有異

七言排律

許員外新陽別墅

蘭汀橘島映亭臺不是經心卽手栽滿閣白雲
隨雨去一池寒月逐潮來小松出屋和巢長新
徑通村避笋開柳絮風前欹枕臥荷花香裏釣
魚回園中認葉分靈草簷下攀枝落野梅莫恣
高情求逸思須防急詔用長才若因螢火低殘
卷便把漁歌送幾杯多謝郢中賢太守常時談
笑許趨陪

七言絕句

將歸湖上留別陳宰

歸去春山逗曉晴縈迴樹石罅中行明時不是
無知己自憶湖邊釣與耕

與徐溫話別

去去何時却見君悠悠煙水似天津明年今夜

有明月。不是今年看月人。

君不來

遠路東西欲問誰。寒來無處寄寒衣。去時初種庭前樹。樹已勝巢人未歸。

曹唐

字堯賓。桂州人。爲道士。大和中舉進士。累爲諸府從事。因暴疾卒。于家有集三卷。

七言律詩

仙子洞中有懷劉郎

不將清瑟理霓裳。塵夢那知鶴夢長。洞裏有天春寂寂。人間無路月茫茫。玉沙瑤草連溪碧。流

水桃花滿澗香。曉露風燈零落盡。此生無處訪劉郎。

是爲平調

七言絕句

小遊僊詩

玉簫金瑟發商聲。桑葉枯乾海水清。淨掃蓬萊山上地。略邀王母話長生。

玄洲草木不知黃。甲子初開浩劫長。無限萬年年少女。手攀紅樹滿殘陽。

詩鏡

晚唐卷之五

詩鏡 卷之五
酒醖春濃瓊草齊真公欲散醉如泥朱輪軋軋
入雲去行到半天聞馬嘶

白石山中自有天竹花藤葉隔溪煙朝來洞口
圍碁了賭得青龍直幾錢

海水西飛照栢林青雲斜倚錦雲深水風暗入
古山葉吹斷步虛清磬音

玉詔新除沈侍郎便分茅土鎮東方不知今夕
游何處侍從皆騎白鳳凰

饑卽餐霞悶卽行一聲長嘯萬山青寄花渡水
來相訪珍重多才阮步兵

九天天路入雲長燕使何由到上方玉女暗來
花下立手接裙帶問昭王

玉色雌龍金絡頭真妃騎出縱閒遊崑崙山上
桃花底一曲商歌天地秋

西漢夫人下太虛九霞裙幅五雲輿欲將碧字
相教示自解盤囊出素書

汗漫真遊實可奇人間天上與人知周王不信
長生話空使萇弘碧淚垂

言金
芝蕙芸花爛熳春瑞香煙露濕衣巾玉童私地
誇書札偷寫雲瑤暗贈人

鶴叫風悲竹葉疎誰來五嶺拜雲俱人間肉馬
無輕步踏破先生一卷書

共愛初平住九霞焚香不出閉金華白羊成隊
難收拾喫盡溪頭巨勝花

酒盡香殘夜欲分青童拜問紫陽君月光悄悄
笙歌遠馬影龍聲歸五雲

叔卿遍覽九天春不見人間故舊人怪得蓬萊
山下水半成沙土半成塵

欲飲樽中雲母漿月明花裏合笙簧更教小奈
將龍去便向金壇取阮郎

昨夜相邀宴杏壇等閒乘醉走青鸞紅雲塞路
東風緊吹破芙蓉碧玉冠

雲鶴冥冥去不分落花流水恨空存不知玉女
無期信道與留門却閉門

太一元君昨夜過碧雲高髻綰婆娑手擡玉策
紅於火敲斷金鸞使唱歌

瓊樹扶疎壓瑞煙玉皇朝客滿花前東風小飲
人皆醉短尾青龍枕水眠

沙野先生閉玉虛焚香夜寫紫微書供奉童子
閒無事教判瓊花餵白驢

青苑紅堂壓瑞雲月明閒宴九陽君不知昨夜
誰先醉書破明霞八幅裙

王建宮詞百首曹唐遊仙九十八首
皆對境生情令人如在當年之趣

李昌符

字嚴夢咸通四年
進士歷尚書郎

五言律詩

秋中夜坐

空庭吟坐久爽氣入荷衣病葉先秋落驚禽背
月飛瘴雲晴未散戍客老將依爲應金門策多
應說戰機

尋僧元皎因贈

此僧迷有着因病得尋師話盡山中事歸當月
上時高松連寺影亞竹入牕枝閑憶草堂路相
逢非素期

三四
遠俗

詩鏡

晚唐卷之五

七

題友人屋

松底詩人宅，閑門遠岫孤。
數家分小徑，一水截平蕪。
竹節偶相對，鳥名多自呼。
愛君真靜者，欲去又踟蹰。

三四有盛唐王孟風

七言律詩

秋夜作

數畝池塘近杜陵，秋天寂寞夜雲凝。
芙蓉葉上三更雨，蟋蟀聲中一點燈。
跡避險巇翻失路，心

歸閑澹不因，僧旣逢上國陳詩日。
長守林泉亦未能。

三四清歷不乏景趣

附許棠新年呈友。一月月相似，一年年不同。清晨窺古鏡，旅貌近衰翁。處世閑難得，關身事半空。浮生能幾許，莫惜醉春風。起二語中唐人如此。琢句爭之，小枝間耳。
來鵬 豫章人，大中咸通間舉進士，不中。客死于維揚，有詩集傳於世。

七言律詩

寒食山館書情

獨把一杯山館中，每經時節恨飄蓬。
侵階草色

詩鏡

晚唐卷之五

連朝雨。滿地梨花昨夜風。蜀魄啼來春寂寞。楚
囚吟後月朦朧。分明寄得還家夢。徐孺宅前湖
水東。

清明與友人遊玉粒塘莊

幾宿春山逐陸郎。清明時節好煙光。歸穿細荇
船頭滑。醉踏殘花屐齒香。風急嶺雲翻迥野。雨
餘田水落方塘。不堪吟罷東回首。滿耳蛙聲正
夕陽。

胡曾

長沙人。咸通中舉進士。不第。嘗爲漢南節度從事。有詠史詩一卷。安定集十卷。行世。

七言絕句

詠薛濤

萬里樓臺女校書。琵琶花下閉門居。掃眉才子
知多少。管領春風總不如。

語趣
風騷

細腰宮

楚王辛苦戰無功。國破城荒霸業空。唯有春花
青上露。至今猶泣細腰宮。

西園

詩鏡

晚唐卷之五

詩金
月滿西園夜未央。金風不動鄴天涼。高情公子
多秋興。更領詩人入醉鄉。

滹沱河

光武經營業未興。王郎兵革正憑陵。須知後漢
功臣力。不及滹沱一片冰。

晚唐人多以意見撐
持此非詩家正脉

瑤池

阿母瑤池宴穆王。九天仙女送瓊漿。漫矜八駿
行如電。歸到人間國已亡。

成都

杜宇曾爲蜀帝王。化禽歸去舊城荒。年年來叫
桃花月。似向春風訴國亡。

附馬陵。墜葉蕭蕭九月天。驅兵獨過馬陵
前路傍。古木蟲書處。記得將軍破敵年。小
意作

公乘億

字壽山。咸通宏詞進士第
有珠林集一卷。見藝文畧

五言排律

賦得臨江遲來客

江上晚沉沉。煙波一望深。向來殊未至。何處擬

詩鏡

晚唐卷之五

相尋柳結重重眼，萍翻寸寸心。暮山期共眺，寒渚待同臨。北去魚無信，南飛鴈絕音。思君不可見，使我獨愁吟。

柳結二語好托喻語亦趣饒

張喬

池州人咸通中京兆府解試首薦唐書昭宗大順進士黃巢亂遂與伍喬之從隱九華有集

二卷

五言律詩

浮汴東歸

日暖泗濱西無窮，岸草齊薄煙衰草樹。微月迴

城鷄水近滄浪急，山隨綠野低。羞將舊名姓，還向舊遊題。

三四語色細嫩

再題敬亭清越上人山房

重來訪惠休，已是十年遊。向水千松老，空山一磬秋。石牕清吹入，河漢夜光流。久別多新作，長吟洗俗愁。

老氣

和薛監察題興善寺古松

詩鏡

晚唐卷之五

十一

詩鏡
卷之五
種種近王城前朝古寺名瘦根盤地遠香吹入
雲清鶴動池臺影僧禪雨雪聲看來人旋老因
此歎浮生

七言絕句

宴邊將

一曲梁州金石清邊風蕭颯動江城座中有老
沙場客橫笛休吹塞上聲

劉象

七言絕句

春夜

幾處干戈阻路岐憶山心切與山違時難何處
披懷抱日日斜空醉歸

曉登迎春閣

未櫛憑闌睇錦城烟籠萬井二江明香風滿閣
花盈戶樹樹樹稍啼曉鶯

唐彥謙

字茂業并州人咸通未進士僖宗乾符
末避亂漢南王重榮辟爲河中從事歷
晉絳二州刺史後爲園壁二州
刺史卒號鹿門先生有集三卷

七言律詩

詩鏡

晚唐卷之五

與元沈氏莊

清淺縈紆一水間。竹岡藤樹小躋攀。露霑荒草
行人過。月上高秋宿鳥還。江遶武侯籌筆地。雨
昏張載勒銘山。異鄉一笑因酣醉。忘却愁來鬢
髮斑。

五言絕句

小院

小院無人夜。烟斜月轉明。清霄易惆悵。不必有
離情。

語却真

七言絕句

詠柳

惹絆風光別有情。世間誰敢鬪輕盈。楚王江畔
無端種。餓損宮腰學不成。

仲山

千載遺蹤寄薜蘿。沛中鄉里舊山河。長陵亦是
閒丘隴。今日誰知與仲多。

司空圖

字表聖。河中人。咸通末進士。王凝辟置幕府。召爲殿中侍御史。不忍去。昭宗景

詩鏡

晚唐卷之五

十一

福中拜諫議大夫不赴曷本居中條山王官
谷有先人田廬遂隱不仕作亭觀素室悉書
唐節士文人名亭曰休休作文以見志後聞
哀帝被弑圖不食卒有一鳴集三十卷行於
世

五言律詩

早春

傷春仍客處病起却花朝草嫩侵沙長冰輕着
雨消風光知可愛客髮不相饒早晚丹丘伴飛
書下見招

七言絕句

漫書

長擬求閒未得閒又勞行役出秦關逢人漸覺
鄉音異却恨鶯聲似故山

琢意過
巧而小

羅隱

字昭諫餘杭人隱居池之梅根浦自號江
東生工詩長於詠物咸通中累舉不第僖
宗光啓中錢鏐辟爲從事節度判官副使梁
祖以諫議召不行閒平中魏傅羅紹威推爲
叔父表授給事中年八十餘卒餘杭
有甲乙集十卷傳于世子日塞翁

五言律詩

九江早秋

詩鏡

晚唐卷之五

十一

雨過晚涼生樓中枕簟清海風吹亂木巖磬落
孤城百歲幾多日四蹄無限程西隣莫高唱俱
是別離情

五六語

格寂下

附效王臺體曉夢通簾押春寒逼酒鑪甚是佳句

七言律詩

中元夜泊淮口

木葉迴飄水面平偶停孤棹已三更秋涼霧露
侵燈下夜靜魚龍逼岸行欹枕正牽題柱思隔
樓誰轉遠梁聲錦帆天子狂魂魄應過揚州看

月明

三四氣格

逼出盛唐

憶九華

九華巉崿廕柴扉長憶前時此息機黃菊倚風
村酒熟綠蒲低雨釣魚歸干戈已是三年別塵
土那堪萬事違回首佳期恨多少夜闌霜露又
沾衣

所思

詩境

晚香卷之五

十五

西上青雲未有期東浮滄海去何遲酒闌夢覺
不稱意花落月明空所思長恐病侵多事日可
堪忙過少年時鬪鷄走犬五陵道惆悵輸他輕
薄兒

風格
挺挺

七言絕句

柳

灞岸晴來送別頻相偎相倚不勝春自家飛絮
猶無定爭解垂絲絆路人

為柳作
楚調

淚

逼臉橫頤咽復勻也曾讒毀也傷神自從魯國
潛然後不是奸人即婦人

雖非雅體
當是名言

羅鄴 餘杭人與兄隱虬齊名世稱三羅咸通中
舉進士不第有集一卷或云父則為塩鉄
少吏有三子俱以文
學顯鄴尤長七言詩

七言律詩

費拾遺書堂

滿袖歸來天桂香紫泥重降舊書堂自憐葦帶
同巢許不駕蒲輪佐禹湯怪石盡涵千古秀奇
花多吐四時芳何人更肯追高躅唯有樵童戲
蘚牀

五六
韻俚

留題張逸人草堂

長懸青紫與芳枝塵路無因遠別離馬上多於
在家日樽前堪惜少年時關河客夢還鄉後雨
雪山程出店遲却羨高人此中老軒車過盡不

知誰

三四
足惋

七言絕句

渡江有感

岸落殘紅錦雉飛渡江船上夕陽微一枝猶負
平生意歸去何曾勝不歸

出都門

春門春色一花開長到花時把酒盃自覺無家
似潮水不知歸處去還來

詩鏡

宮中

芳草長含玉輦臣。君王遊幸此中頻。今朝別有承恩處。鸚鵡飛來說似人。

放鷓鴣

好倚青山與碧溪。刺桐毛竹待雙栖。花時遷客傷離別。莫向相思樹上啼。

秦韜玉

七言律詩

春遊

選勝逢君叙解攜。思和芳草遠煙迷。小梅香裏黃鶯囀。垂柳陰中白馬嘶。春引美人歌徧熟。風牽公子酒旗低。早知有此關身事。悔不前年住

越溪

崔魯

僖宗廣明進士
有無機謀四卷

七言絕句

華清宮

草遮回磴絕鳴鑿。雲樹深深碧殿寒。明月自來還自去。更無人倚玉闌干。

詩苑

說盡

于鄴

五言律詩

江樓春望

樓下長江路舟車晝不開
鳥聲非故國春色是他山
一望雲復水幾重河與關
愁心隨落日萬里各西還

三四是少陵小品

五言絕句

高樓

遠天明月出照此誰家樓
上有羅衣色涼風吹不秋

崔塗

字禮仙僖宗光啓四年鄭貽同榜進士詩一卷

五言律詩

夕次洛陽道中

秋風吹故城城下獨吟行
高樹鳥已息古原人尚耕
流年川暗度往事月空明
不復歎岐路馬前塵夜生

詩境

晚唐卷之五

十一

三四
清老

南山旅舍與故人別

一日又欲暮。一年看卽殘。病知新事少。老別舊交難。山盡路猶險。雨餘春却寒。那堪試迴首。烽火是長安。

五六
標勁

過昭君故宅

以色靜胡塵。名還異衆嬪。免勞征戰力。無愧綺羅身。骨竟埋青塚。魂應怨畫人。不堪逢舊宅。寥

落對江濱

三四
自負
却帶
飄情

孤鴈

幾行歸去盡。片影獨何之。暮雨相呼失。寒塘獨下遲。渚雲低暗度。關月冷遙隨。未必逢緡繳。孤飛自可疑。

秋夕與友人同會

章句積微功。星霜二十空。僻應如我少。吟喜得君同。月上僧歸後。詩成客夢中。更聞栖鶴警。清

露滴青松

五六
徑

巫山廟

雙黛儼如嘖，應傷故國春。江山非舊主，雲雨是前身。夢覺傳詞客，靈猶福楚人。不知千載後，何處又爲神。

三四擔當
語復流活

喜友人及第

孤吟望至公，已老半生中。不有同人達，兼疑此

道窮。只應才自薄，豈是命難通。尚激搏溟勢，期君借北風。

崔塗五律
氣格稜稜

七言律詩

途中感懷寄青城李明府

鱗鬣摧殘志未休，壯心翻是此身讐。併聞寒雨多，因夜不得鄉書。又到秋耕釣舊交，吟好憶雪霜危。棧去堪愁如何，只是三年別君着。朱衣我白頭。

詩竟

三四宛轉流
利情思重重

附春夕。水流花謝兩無情。送盡東風過楚城。胡蝶夢中家萬里。子規枝上月三更。故園書動經年別。華髮春惟滿鏡生。自是不歸歸便得。五湖煙景有誰爭。此蝴蝶子規是堆塗面目語。要渠何用。

七言絕句

湘中謠二首

蒼山遙遙江潏潏。路傍老盡沒閑人。王孫不見草空綠。惆悵渡頭春復春。
煙愁雨細雲溟溟。桂蘭香老三湘清。故山望斷不知處。鶉鴉隔花時一聲。

上巳日

未敢分明賞物華。十年如見夢中花。故人過盡衡門掩。獨自凭欄到日斜。

感花

繡軛香韉夜不歸。少年曾惜最紅枝。東風一陣黃昏雨。又到繁華夢竟時。

澗松

寸寸凌霜長勁條。路人猶笑未干霄。南園桃李

詩鏡
雖堪羨爭奈春殘又寂寥

方澤

七言絕句

武昌阻風

江上春風阻客舟無窮歸思滿東流與君盡日閒臨水貪看飛花忘却愁

忘字似不若減字佳

宋榮

七言律詩

有贈

莫道粧成斷客腸粉胸錦手白蓮香烟分頂上
三層綠劍截眸中一寸光舞勝柳枝腰更軟歌
嫌珠貫曲猶長雖然不似王孫女解愛臨筇賣

賦郎

獨四語佳五六寂厭

七言絕句

贈妓

試共卿卿噴語粗畫堂速遣侍兒呼寒肌不耐

詩鏡

金如意白獺爲膏郎有無

章碣

錢塘人孝標之子登僖宗乾符進士第後竟流落不知所終有集行

七言律詩

浙西送杜晦侍御入關

紫詔徵賢發帝聰
繡衣行處撲香風
鶚歸秦樹幽禽散
星出吳天列舍空
捧日思馳仙掌外
朝宗勢動海門中
鞭鞘所拂三千里
多少諸侯合避驄

七言絕句

焚書坑

竹帛烟銷帝業虛
關河空鎖祖龍居
坑灰未冷山東亂
劉項元來不讀書

李穀

七言律詩

浙東罷府西歸道
經吳中廣文張博士
皮先輩陸秀才皆以雅篇相送不量
荒詞亦用酬別

豈有頭風筆下痊
浪成蠻語向初筵
蘭亭舊趾

詩竟

詩鏡 題唐卷之五
雖曾見柯笛遺音更不傳
照耀文星吳分野
留連花月晉名賢
相逢只恨相知晚
一曲驪歌又幾年

高蟾

河朔人按唐登科記進士有兩高蟾則僖宗乾符二年登第者是也唐藝文志云昭宗乾寧間爲御史中丞詩一卷

七言絕句

初落第

天上碧桃和露種
日邊紅杏倚雲栽
芙蓉生在秋江上
莫向春風怨未開

金陵晚眺

曾伴浮雲歸晚翠
旋倍落日泛秋聲
世間無限丹青手
一片傷心畫不成

唐求

五言律詩

題鄭處士隱居

不信寂清曠
及未愁已空
數點石泉雨
一溪霜葉風
業在有山處
道成無事中
酌盡一樽酒
病夫頽亦紅

詩鏡

晚唐卷之五

二十五

鄭谷

字守愚袁州宜春人僖宗光啓二年進士授京兆鄠縣尉後爲都官郎中退希仰山

書堂卒有宜陽集三卷號雲臺編谷幼有名譽司空圖見而奇之因附其背日當爲一代

風騷士

五言律詩

旅寓洛南村舍

村落清明近鞦韆稚女誇春陰妨柳絮月黑見梨花白鳥闖魚網青帘認酒家幽棲雖自適交友在京華

月黑見梨花

語堪作畫

題進士王駕郊居

前山微有雨永巷淨無塵牛臥籬陰晚鳩鳴村意春時浮應寡合道在不嫌貧後徑臨陂水菰蒲是切鄰

四語佳

附鷓鴣。暖戲煙蕪錦翼齊品流應得近山

鷄雨昏青草湖邊過花落黃陵廟裏啼游子

乍聞征袖濕佳人纔唱翠眉低相呼相喚湘

江潤苦竹叢深春日西

附侯家鷓鴣。江天梅雨濕江籬此處煙香

是此時苦竹嶺無歸去日海棠花落舊棲枝

春宵思極蘭燈暗曉月啼多錦幕垂唯有佳

人憶南國殷勤爲爾唱愁辭。二詩絕不見

詩鏡

晚唐詩卷之五

二二

詩鏡
佳知詠物之難成名之易
附燕○年去年來來去忙春寒烟暝渡瀟湘
低飛綠岸和梅雨亂入紅樓棟杏梁閑兀硯
中闕水淺落花徑裏得泥香千言萬語無人
會又逐流鶯過短墻

五言絕句

感興

禾黍不陽艷競栽桃李春翻令力畊者半作賣
花人

七言絕句

曲江春草

花落江堤簇曉煙雨餘草色遠相連香輪莫輾
青青破留與游人一醉眠

淮上與友人別

楊子江頭楊柳春楊花愁殺渡江人數聲風笛
離亭晚君向瀟湘我向秦

席上貽歌者

花月樓臺近九衢清歌一曲倒金壺座中亦有
江南客莫向春風唱鷓鴣

文昌寓直

何遜空階夜雨平朝來交直雨新晴落花亂上
花塼上不忍和苔踏紫英

十日菊

節去蜂愁蝶不知曉庭還繞折殘枝自緣今日
人心別未必秋香一夜衰

響亮故佳凡
寓情忌闌

晚唐第五

晚唐第六

唐詩鏡五十四

樵李陸時雍選評

趙林翹

錢塘

張煥如

參定

皮日休

遭黃巢之亂卒不能自全作
隱書凡六十篇以見志云

五言古詩

苦雨中又作四聲詩寄魯望

平聲

泔泔將經旬昏昏空迷天
鷓鴣成羣嬉芙蓉相

詩鏡
限眠漁通策衣城帆過菱花田秋收吾無望悲
之真徒然

平上聲

河平州橋危壘晚水鳥上衝崖搜松根點沼寫
芡響舟輕通縈紆棧墮阻指掌攜橈將尋君渚
滿坐可住

平去聲

狂霖昏悲吟瘦桂對病臥簷虛能影斜舍蠹易
漏破宵愁將琴攻晝悶用睡過堆書仍傾觴富
貴未換箇

平入聲

羈棲愁霖中缺宅屋木惡荷傾還驚魚竹滴復
觸鶴閒僧千聲琴宿客一笈藥悠然思夫君忽
憶蠟屐著

稍遠
俚韻

五言律詩

早春病中書事寄魯望

眼暈見雲母耳虛聞海濤惜春狂似蝶養病躁

詩鏡

詩金
於孫按靜方書古堂空藥氣高可憐真宰意偏
解困吾曹

起二語狀
病亦趣

早春病中

病根冬養得春到一時生眼暗憐晨慘心寒怯
夜清妻仍嫌酒癖醫只禁詩情應被高人笑憂
身不似名。

四語清雅
結亦佳

七言律詩

春雨次韻

織恨凝愁映鳥飛半旬飄灑掩韶暉山容洗得
如煙瘦地脉流來似乳肥野客正閒移竹遠幽
人多病探花稀何年細濕華陽道雨乘巾車相
並歸

瘦雅肥俚三四
語此其定評矣

夏初訪魯望偶題小齋

半夏芳陰到陸家藜牀相勸飯胡麻林間度宿
拋棋局壁上經旬挂釣車野客病時分竹米鄰

詩鏡 卷之六
翁齋日乞藤花踟躕未放閑人去半岸紗幮待
月華

苦於
寡韻

重玄寺元達年逾八十好種名藥凡所
植者多至自天台四明包山句曲叢
萃紛採各可指名余奇而訪之因題
雨滌烟鋤偃僂賫紺牙紅甲兩三畦藥名却笑
桐君少年紀翻嫌竹祖低白石靜敲蒸木火清
泉閒洗種花泥怪來昨日休持鉢一尺彫胡似

掌齋

四語稍
有韻趣

南陽潤卿將歸雷平因而有贈

借問山中許道士此迴歸去復何如竹屏風扇
抄遺事柘步輿竿繫隱書絳樹實多分紫鹿丹
沙泉淺種紅魚東卿旄節看看至靜啓茅齋慎
掃除

幽事可挹三
四平寫實在

偶成小酌招魯望不至以詩爲解因次

詩鏡

韻酬之

醉侶相邀愛早陽。小筵催辦不勝忙。衝深柳。駐吳娃。憶倚短花排羯鼓。牀金鳳。欲爲鶯引去。鈿蟬疑被蝶勾將。如何共是忘形者。不見漁陽搯一場。

看他三四
辨句佳

庚寅歲十一月新羅弘惠上人與本國同書請日休爲靈鷲幽巖禪師碑將還以詩送之

三十麻衣弄清禽。豈知名字徹鷄林。勒銘雖卽多遺草。越海還能抵萬金。鯨鬣曉掀峯正燒。鼇睛夜沒島還陰。二千餘字終天別。東望辰韓淚灑襟。

奉和次韻

春彩融融釋凍塘。日精閒曠坐巖房。瓊函靜啓從猿覩。金液初開與鶴嘗。八會舊文多搭寫。七真遺語剩思量。不知夢到爲何處。紅藥滿山煙月香。

所居首夏水木尤清適然有作

病來無事艸堂空
晝水休聞十二筒
桂靜似逢青眼客
松閒如見綠毛翁
潮期暗動庭前碧
梅信微侵地障紅
盡日枕書慵起得
被君猶自笑從公

五六景
趣佳

奉和病中秋懷次韻

貧病於君亦太兼
才高應亦被天嫌
因分鶴料家資減
為置僧餐口數添
靜裏攻詩空凭几
寒

中註易不開簾
清詞一一侵真宰
甘取窮愁不用占

附夏首病愈因招魯望。曉日清和尚袷衣。夏陰初合掩雙扉。一聲撥殺桑柘晚。數點春鋤煙雨微。貧養山禽能箇瘦。病關芳艸就中肥。明朝早起非無事。買得蓴絲待陸機。○五六做作芳艸云。肥言之不雅。

五言排律

北禪院避暑聯句

敲蒸何處避
來入戴顓宅
逍遙脫單絃
放曠拋輕策
爬搔林下風
偃仰澗中石
日朱
殘蟬烟外

響野鶴沙中跡到此失煩襟蕭然揖蟬伯藤懸

疊霜蛻桂倚支雲錫龜蒙清陰豎毛髮爽氣舒

筋脉逐幽隨竹書選勝鋪花席魚跳上紫芡蝶

化緣清壁日休心是玉蓮徒耳為金磬敵吾宗

昔高尚志在羲皇易豈獨斷韋編幾將折鐵槌

龜蒙天書既屢降野抱難自適一人承明廬肝

衡論今昔流光不容寸斯道甘枉尺日休既起

謝儒玄亦翻商羽翼封章帷幄徧夢寐江湖日

擺落函谷塵高歆華陽憤龜蒙詔去雲無信歸

來鶴相識半病奪牛公全慵捕魚客少微光一

點落此芒磔索日休釋子問池碧門人廢幽蹟

堪悲東序寶忽變西方籍不見步兵詩空懷康

樂屐龜蒙高名不可効勝境徒堪惜墨沼轉疎

蕪玄齋踰閭寂遲遲不能去涼颺滿杉柏日休

日下洲島清烟生苾芻碧俱懷出塵想共有吟

詩癖終與淨名遊還來雪山覓龜蒙

獨在開元寺避暑頗懷魯望因飛筆聯

句

言金
八
賦
煩暑雖難避僧家自有期泉甘於馬乳苔滑似

龍絮日休任誕襟全散臨幽榻旋移松行將雅

拜篁陣欲交麾龜蒙望塔青髯識登樓白鶴知

石經森欲動珠像儼將怡筒簟臨杉穗紗巾透

雨絲靜譚蟬噪少涼步鶴隨遲日休烟重迴蕉

扇風輕拂桂帷對碑吳地說開卷梵天詞積水

魚梁壞殘花病枕欹懷君瀟灑處孤夢繞梁恩

龜蒙

五言絕句

雙聲溪上思

疎杉低通灘冷鷺立亂浪草彩欲夷猶雲容空
澹蕩

奉和風人體

刻日書離恨因成別後悲莫言春蠶薄猶有萬
重思

江上秋聲起從來浪得名逆風猶挂席若不會
帆情

七言絕句

詩鏡

春夕酒醒

四絃纔罷醉蠻奴醺醪餘香在翠爐夜半醒來
紅蠟短一枝寒淚作珊瑚

華亭鶴聞之舊矣及來吳中以錢半千
得一隻養之殆經歲不幸爲飲啄所
誤經夕而死悼之不已遂繼以詩南
陽潤卿博士浙東德師侍御毘陵魏
不琢處士東吳陸魯望秀才及厚於
予者悉寄之請垂見和

莫怪朝來淚滿衣墮毛猶傍水花飛遼東舊事
今千古却向人間葬令威

奉和陸魯望玩金鵝鵲戲

鏤羽彫毛迥出羣溫馨飄出麝臍薰夜來曾吐
紅茵畔猶似溪邊睡不聞

女墳湖

萬貴千奢已寂寥可憐幽憤爲誰嬌須知韓重
相思骨直在芙蓉向下消

曹松

字夢徵衡陽人學賈島爲詩昭宗天復初
及第王希羽劉象柯榮鄭希彥同榜皆年

詩竟

七十餘時號五老榜各
授校書郎有集三卷

五言律詩

立春日

春飲一杯酒便吟春日詩
木梢寒未覺地脉暖
先知鳥嘯星沈後山分雪薄時
賞心無處說悵
望曲江池

六語微
見景色

塞上

邊寒來所潤今日復明朝
河凌去聲堅通馬胡雲

缺見鷗砂中程獨泣鄉外隱
誰招迴首苦經歲
靈州生柳條

四語
景趣

憶江西并悼亡友

前心奈兵阻悔作豫章分
芳艸未歸日故人多
是墳帆行出岫雨馬踐過江雲
此地一罇酒當時皆以文

三四語苦五
六標景特巧

寄崇聖寺僧

不醉長安酒，冥心只似師。望山吟過日，伴鶴立多時。溝遠流聲細，林寒綠色遲。菴西蘿月夕，重約語空期。

四語微
有意致

覽春榜喜孫鄩成名

門外報春榜，喜君天子知。舊愁渾似雪，見日總消時。塔下牡丹氣，江頭楊柳絲。風光若有分，無處不相宜。

三四轉
合得佳

附巳亥歲○澤國江山入戰圖，生民何計樂。焦蘇憑君莫話封侯事，一將功成萬骨枯。○末句意盡

吳融

字子華，山陰人。昭宗龍紀初進士，累遷侍御史，後為左補闕，拜中書舍人。昭宗反正，進戶部侍郎，終承旨。集詩四卷。

五言律詩

戲

恨極同填海，情長抵導江。丁香從小結，蓮子徹枝。覆整髻花當檻，吹燈月在窻。秦臺非久計，早晚降霓幢。

詩境

言金
粉嫩
花香

附夏夜竹聲寒不
夏蛩思靜先秋

五言排律

卽席十韻

住處方窺宋平生未嫁盧暖金輕鑄骨寒玉細
凝膚妬蝶長成伴傷鸞耐得孤城堪迷下蔡臺
合上姑蘇弄眼難降柳含茸欲鬪蒲生涼雲母
扇直夜博山爐翡翠交粧鏡鴛鴦入畫圖無心
同石轉有淚約泉枯猿渴應須見鷹饑祇待呼
銀河正清淺霓節過來無

芬韻

和韓致光侍郎無題

十四
韻

珠珮元消暑犀簪自辟塵揜燈容燕宿開境待
雞晨去嬾都忘舊來多未散新每逢憂是夢長
憶故延真杏小雙圓壓山濃雨點嚙瘦難勝寶
帶輕欲馭鸞輪篋鳳金雕翼釵魚玉鏤鱗月明
無睡夜花落斷腸春解舞何須楚能箏可在秦
怯探同海底稀遇極天津綠奈攀宮豔青梅弄

詩竟

嶺珍管織銀字咽梭密錦書勻散勝還隨俗無
疑不避人可憐三五夕武媚善爲隣

附錦收花上露
珠引月中津

七言絕句

金陵懷古

玉樹聲沉戰艦收萬家冠蓋入中洲
祗應江令偏惆悵頭白歸來是客遊

華清宮

漁陽烽火照函關玉輦怱怱下此山
一曲霓裳

聽不盡至今遺恨水潺潺

上皇鸞輅重巡遊兩淚無言獨倚樓
惆悵眼前多少事落花明月滿宮秋

楊花

不關穠華不占紅自飛晴野雪濛濛
百花長恨風吹落唯有楊花獨愛風

末句饒有情思似爲楊
花解嘲復爲楊花寫色

送杜鵑花

春紅始盡又秋紅息國亡來入楚宮
應是蜀冤

啼不盡更憑顏色訴西風

韓偓

字致堯一字致光京兆萬年人龍紀進士後王溥薦為翰林學士遷中書舍人從幸

鳳翔進兵部侍郎朱全忠惡之貶濮州司馬天祐中復召入偓挈家南依王審知卒號玉山樵人有詩集一卷又香奩集一卷

七言律詩

苑中

上苑離宮處處迷相風高與露盤齊金堦鑄出
俊猊立玉柱雕成翡翠啼外使調鷹初得按中
官過馬不教嘶笙歌錦繡雲霄裏獨許詞臣醉

似泥

青春

眼意心期卒未休暗中終擬約秦樓光陰負我
難相偶情緒牽人不自由遙夜定嫌香蔽膝悶
時應弄玉搔頭櫻桃花謝梨花發腸斷青春兩
處愁

結語
風趣

浣紗溪二首

攏鬢新收玉步搖背燈初解繡裙腰枕寒衾冷

詩鏡

晚唐卷之六

十四

異香焦深院不關春寂寂。落花和雨夜迢迢。恨情殘醉却無聊。

宿醉離愁慢髻鬟。六銖衣薄惹輕寒。慵紅問翠掩青鸞。羅襪况兼金菡萏。雪肌仍是玉琅玕。骨香腰細更沈檀。

香腰細更沈檀

附橫塘。秋寒灑背入簾霜。鳳脰燈青照洞房。蜀紙麝煤添筆壻。越甌犀液發茶香。風飄亂點更籌轉。拍送繁絃曲破長。散客出門斜月在雨。眉愁思向橫塘。○縛繡語附筒醉。倚醉無端尋旧約。却令惆悵轉難勝。靜中樓閣深春雨。遠處簾籠半夜燈。抱柱立時風細細。遶廊行處思騰騰。分明牕下開裁。剪敲過欄干。喚不應。

附見花。○寒裳擁鼻正吟詩。日午墻頭獨見時。血染蜀羅山躡躑。肉紅宮錦海棠梨。因狂

得病真閒事。欲詠無才是。所悲看却春風歸去也。淨教判得最繁枝。

附。有憶。○畫漏迢迢夜漏移。傾城消息杳無期。愁腸泥酒人千里。淚眼倚樓天四垂。自笑

計狂多。獨語誰憐。夢好轉相思。何時斗帳濃香裏。分付春風與玉兒。○此三詩是開詞曲法門。

六言

一燈前雨落夜。三月盡草青時。半寒半暖正好。花開花謝相思。惆悵空教夢見。懊惱多成酒悲。紅袖不乾誰會。揉損絲娟淡眉。

詩竟

晚唐卷之六

十五

雜言

玉合

羅囊繡兩鳳凰。玉合雕雙鷓鴣。中有蘭膏漬紅。豈每回粘着長思憶。長思憶。經幾春。人悵望香。氛氳開緘不見新書跡。帶粉猶殘舊指痕。

金陵

風雨蕭蕭。石頭城下。木蘭橈。煙月迢迢。金陵渡口來去潮。自古風流皆暗銷。才鬼妖。魘誰與招。綵牋麗句徒已矣。羅襪金蓮何寂寥。

宋人視唐詞猶唐人之視古詩。骨格風標相去自遠。

五言絕句

倣崔輔國體

淡月照中夜。海棠花自落。獨立俯闌堦。風動秋千索。

酒力滋睡眸。齒莽聞街鼓。欲明天更寒。東風打牕雨。

七言絕句

夏日

詩鏡 卷之六
庭樹新陰葉未成。玉堦人靜一蟬聲。相風不動烏龍睡。時有嬌鶯自喚名。

已涼

碧欄干外繡簾垂。猩色屏風畫柘枝。八尺龍鬚方錦褥。已涼天氣未涼時。

末句香嫩更想見意態盈盈○語却近詞

思錄舊詩於卷上。凄然有感。因成一首。緝綴小詩抄卷裏。尋思闕事到心頭。自吟自泣無人會。腸斷蓬山第一流。

不見

動靜防閑又怕疑。佯佯脉脉是沈機。此身願作君家燕。秋社歸時也不歸。

聯綴體

院宇明秋日日長。社前一鴈別遼陽。隴頭針線年年事。不喜寒砧搗斷腸。

絕不做
作故佳

新秋

一夜清風動扇愁。昔時容色入新秋。桃花臉裏

詩集 卷之六
汪汪淚忍到更深枕上流

寒食夜

測測輕寒剪剪風小梅飄雪杏花紅夜深斜搭
秋千索樓閣隴明細雨中

荔枝

封開玉籠雞冠溜葉襯金盤鶴頂鮮想得佳人
微露齒翠釵先取一枝懸

江樓

鯢魚苦笋香味新楊花酒旗三月春風光百計

牽人老爭奈多情是病身

情湧而成

孫棨

七言絕句

題北里妓人壁

寒繡衣裳餉阿嬌新圖香獸不禁燒東隣起樣
裙腰潤剩蹙黃金一兩條

王鐸

五言律詩

詩竟

和于興宗守綿州登越王樓以詩寄朝士

謝朓題詩處危樓壓郡城雨餘江水碧雲斷雪
山明錦繡來仙境風光入帝京恨無青玉案何
以報高情

李洞

字才江京光人諸王之孫慕賈島爲詩銅鑄其像事之如神時人多誦其僻澁不貴其奇峭惟吳融稱之昭宗時不第還蜀卒

五言律詩

寄賀鄭常侍

山亦懷恩地高禽盡下飛吏穿霞片望僧掃月
稜歸省拜舞煙近林居玉漏微曾令駐錫話聊
用慰攀依

三四巧琢送沈光越福府泉齊嶺鳥飛雨
熟荔枝肥起語極清下不能稱鄭補闕山
居馬饑食落葉鶴
病曬殘陽下句佳

喜鸞公自蜀歸

禁院閉生臺尋師到綠槐寺高猿聽講鐘動鳥
知齋掃石月盈筵瀘泉花滿篩歸來逢聖節吟
步上堯階

詩鏡

晚唐詩卷之六

七

七言律詩

寄東蜀幕中友

官亭池碧海榴殷遙想清才倚畫欄柳絮漲天
 籠地暖角聲經雨透雲寒曉侵台座香煙濕夜
 草軍書蠟炬乾為話門人吟太苦風摧蘭秀一
 枝殘

漲天宇俚

四語清沁

韋莊

字端已京兆杜陵人見素之孫昭宗乾寧
 元年進士授校書郎王建開偽蜀莊時在
 華州駕前奉使入蜀李詢辟為判官掌書記
 遷起居舍人後為蜀相卒有浣花集弟藹為

之序

七言古詩

擣練篇

月華吐豔明燭燭青樓婦唱擣衣曲白袷光綵
 識魚目菱花帶綬鴛鴦簇臨風縹緲疊秋雪月
 下丁冬擣寒玉梅蘭欲寄在何鄉憑人與係征
 鴻足

此詩餘中
絕妙好辭

五言律詩

章臺夜思

清瑟怨遙夜。遶絃風雨哀。孤燈聞楚角。殘月下
章臺。芳艸已云暮。故人殊未來。鄉書不可寄。秋
鴈又南迴。

二句佳三四

盛唐氣格

七言律詩

春雲

春雲春水兩溶溶。倚郭樓臺晚翠濃。山好只因
人化石。地靈曾有劍爲龍。官辭鳳闕頻經歲。家

住峨眉第幾峯。王粲不知多少恨。夕陽吟斷一
聲鐘。

三堂早春

獨倚危樓四望遙。杏花春陌馬聲驕。池邊水亦
暖。初落山上雲稜寒。未銷谿送綠波穿郡宅。日
移紅影度村橋。主人年少多情味。笑換金龜解
珥貂。

三四

下隄

貴公子

言錦
大道青樓御苑東，玉欄仙杏壓枝紅。金鈴犬吠
梧桐院，朱鬣馬嘶楊柳風。流水帶華穿巷陌，夕
陽和樹入簾櫳。瑤池宴罷歸來醉，笑說君王在
月宮。

三四物色意
象自覺嬌寵

鷓鴣

南禽無侶似相依，錦翅雙雙傍馬飛。孤竹廟前
啼暮雨，汨羅祠畔弔殘暉。秦人只解歌爲曲，越
女空能畫作衣。懊惱澤家非有恨，年年長憶鳳

城歸

懊惱澤家
鷓鴣之音

五言排律

李氏小池亭十二韻

積石亂巉巉，庭莎綠不芟。小橋低跨水，危檻半
依巖。華落魚爭唼，櫻紅鳥競鵲。

竹咸切鳥
啄物也

引泉

疏地脉，掃絮積山嵌。古柳紅綃織，新篁紫綺緘。
養猿秋嘯月，放鶴夜棲杉。枕簟谿雲賦，池塘海
雨鹹。語牕鷄逞辨，砥鼎犬偏饒。踏蘚青粘屐，攀
蘿綠映衫。訪僧舟北渡，貫酒日西銜。遲客登高

詩鏡

閣題詩遶翠巖家藏何所寶清韻滿琅函

語亦鮮綻其中存
盛中所不賦者

七言絕句

衢州江上別李秀才二首

前年相送灞陵春今日天涯各避秦莫向樽前
惜沉醉與君俱是異鄉人
千山紅樹萬山雲把酒相看日又曛一曲離歌
兩行淚更知何地再逢君

東陽酒家贈別

天涯方歎異鄉身又向天涯別故人明日五更
孤店月醉醒何處淚霑巾

鄜州遇寒食城外醉吟

馬驕風疾玉鞭長過去惟留一夕香閒客不須
燒破眼好花皆屬富家郎

古離別

晴煙漠漠柳毵毵不那離情酒半酣更把馬鞭
雲外指斷腸春色在江南

臺城

詩鏡

晚唐卷之六

三十三

江雨霏霏江艸齊六朝如夢鳥空啼無情最是
臺城柳依舊煙籠十里堤

韋莊七絕
聲格苦弱

崔道融

荊州人官永嘉令
有申唐詩三卷

五言絕句

春題

滿眼桃李花愁人如不見別有惜花人東風莫
吹散

怨情
清意

班婕妤

寵極辭同輦恩深棄後宮自題秋扇後不敢怨
春風

七言絕句

長門怨

長門花泣一枝春爭奈君恩別處新錯把黃金
買辭賦相如自是薄情人

白樂天昭君詞君王若問妾顏色莫道不
如宮裏時崔道融長門怨錯把黃金買辭
賦相如自是薄情人此乃巧於取意戴叔
倫湘南卽事沅湘日夜東流去不爲愁人

詩境

晚唐卷之六

二七四

住少時韋莊無情最是臺城柳依舊烟籠
十里堤此爲巧於托情似大雅之所不道
王駕 字大用河中人昭宗大順初進士及第仕
至尚書禮部員外郎自稱守素先生與向

空圖鄭谷爲
詩友詩六卷

七言絕句

古意

夫戍簫關妾在吳西風吹妾妾憂夫一行書信
一行淚寒到君邊衣到無

末句
巧

江南曲

偶向江邊采白蘋閒隨女伴賽江神衆中不敢
分明語暗擲金釵卜遠人

張蠟 字象文清河人乾寧進士
爲膳部員外郎詩三卷

五言律詩

早春亭池獨遊

清流環綠篠清景媚虹橋鷺刷初遷羽莎拳擬
折苗細沙摧遠岸淑景動和颺倍憶同袍侶相
歡倒一瓢

七言律詩

錢塘夜宴留別郡守

四方騷動一州安，夜別樽罍伴客歡。
麝栗調高山閣迥，蝦蟆更促海城寒。
屏間珮響藏歌妓，幕外刀光立從官。
沈醉不愁歸棹遠，晚帆吹上子陵灘。

六語

佳

七言絕句

叙懷

月裏路從何處上，江邊身合幾時歸。
十年九陌

寒風夜夢掃廬花，絮客衣

張泌

江南人仕南唐為內史舍人

七言絕句

寄人

酷憐風月為多情，還到春時別恨生。
倚柱尋思倍惆悵，一場春夢不分明。

意好語

落詞家

李建勳

隴西人仕南唐為丞相集一卷按南唐近事元宗嗣位李建勳出師臨川及歸

拜司空累表致仕自稱鍾山公詔授司徒不起學士湯悅致書賀之建勳答曰司空猶不

詩境

絕唐卷之六

二二九

作那敢作司徒幸有山翁號如何不見呼先
是宋齊丘歸退號九華先生未幾而起時論
薄之或以建
勳北宋云

五言律詩

閑居秋思呈祥松二公

秋光雖卽好客思轉悠哉去國身將老流年鴈
又來葉紅堆晚徑菊冷藉空壘不得師相訪難
將道自開

附送人雨過清明
日花陰杜宇時

七言律詩

宮詞

自遠凝旒守上陽舞衣頓減舊朝香簾垂粉閣
春將盡門掩梨花日漸長草色深濃封輦路水
聲低咽轉宮牆君王一去不迴駕皓齒青娥空
斷腸

附中春寫懷寄沈彬員外應懸
夜雨殘燈在庭掩春風落絮深

七言絕句

宮詞

宮門長閉舞衣閑略識君王鬢便斑却羨落花

春不管御溝流得到人間

沈彬

七言律詩

秋日

秋含枯杵擣斜陽
笛引西風灑氣涼
薜荔惹烟籠蟋蟀
芰荷翻雨潑鴛鴦
當年酒賤何妨醉
今日時難不易狂
腸斷舊遊從一別
潘安惆悵滿

頭霜

三四卷賦六語大有斟酌

黃滔

五言排律

壺公山

相傳古仙姓陳名壺公此山成道因名焉

八面峯巒秀孤高
可偶然數人遊
頂上滄海見東邊
不信無靈洞
相傳有古仙
橘如朱夏在池
象月垂穿山頭有池而圓兼橘樹朱實夏在
髣髴常聞樂
峇嶢半插天山寒
徹三伏松偃出
千年樵牧時
迷所倉箱歲疊川
巖祠風雨管
怪木薜蘿纏
青艸方中藥
蒼苔石裏錢
瓊津流乳竇
春色駐芝田
鳥

詩

卷之六

二八

鬼中時近龍蛇蟄處臙嘉名光列土秀氣產羣

賢瀑鑠瑤臺路溪昇釣浦船鰲頭擎恐沒地軸

壓應旋蠲疾零甘露藏珍起瑞煙畫工飛夢寐

詩客寄林泉掘地多雲母緣霜欠木綿井通鱗

吐脉僧隔虎棲禪山間有井通海盈縮之侯貞元中有僧號法通咸通中有

僧號弘播於其絕頂獨禪昏行至降虎而法通曾下山遇兩虎爭一半乃叱而崩之分令各啖

之危磴千尋拔奇花四季鮮鶴歸玄圃少鳳下

碧梧偏桃易炎涼熱茶推醉醒煎村家蒙棗栗

俗骨爽猿蟬谷語昇喬鳥陂開共蒂蓮落楓丹

葉舞新蕨紫芽拳翠竹雕羗笛懸藤煮蜀牋白

雲長掩映流水別潺湲作賦前儒闕冲虛南國

先省郎求牧看野老葺齋眠寺歷興衰創碑須

一二鐫清吟思却隱簪紱奈縈牽

語亦整頓

七言排律

投翰長趙侍郎

禹門西面逐飄蓬忽喜僊都得入蹤賈氏許頻

趨季虎荀家因敢謁頭龍手扶日月重輪起數

是乾坤正氣鍾五色筆驅神出沒八花磚接帝
從容詩酬御製風騷古論自人情鼎鼐濃豈有
地能先鳳掖別無山更勝鼇峯攀鴻日淺翬飛
越爲鯉年深勢險喁澤國雨荒三逕艸秦關雪
折一枝筇吹成暖景猶葭律引上織蘿在嶽松
願向明朝薦幽滯免教號泣觸登庸

僧貫休

字德隱婺之蘭溪和安寺賜紫禪月大
師曹松方千同時人有禪月集三十卷

一云俗姓姜氏字德遠鍾陵人初以詩謁
錢錫不偶復入蜀謁孟知祥禮待甚厚

七言律詩

送李秀才歸湘中

詞客攜文訪病夫因吟送別憶湘湖寒消浦溆
催鴻鴈暖入溪山養鷓鴣僧向月中尋嶽麓雲
從城上去蒼梧君歸爲問峰前寺舊住松房鎖
在無

四句有
異趣

七言絕句

馬嵬

長川幾處樹青青孤驛危樓對翠屏一自武皇

惆悵後至今來往馬蹄腥

貽九華山人

一法傳聞繼者能九華閑臥最高層秋鍾盡後
殘陽冥門掩松邊雨夜燈

僧處默

越僧羅隱同
時人詩一卷

五言律詩

題聖果寺

路自中峯上盤迴山薜蘿到江吳地盡隔岸越
山多古木叢青靄遙天浸白波下方城郭近鐘

磬接鐘歌

三四可
作地誌

七言絕句

織婦

蓬鬢蓬門積恨多夜闌燈下不停梭成縑猶自
陪錢納未直青樓一曲歌

後二語可慨留
以示世人

僧齊已

潭之益陽人俗姓胡氏與仰山完師為
同門友後居西山與鄴谷同時有白蓮

集十卷又
外編十卷

詩竟

七言古詩

湘妃廟

湘煙濛濛湘水急汀露凝紅裛蓮濕蒼梧雲疊
九疑深二女魂飛江上立相攜泣鳳蓋龍輿追
不及廟荒松朽啼飛猩笋鞭迸出塔基傾黃昏
一片陰風起新月如睂生濶水

未語
稍韻

僧無悶

言絕句

寒林石屏

草堂無物件身閑唯有屏風枕簟間本向他山
求得石却於石上看他山

詩中
小話

僧淡交

五言律詩

寫真

圖形期自見自見却傷神已是夢中夢更逢身
外身水花凝幻質墨彩染空塵堪笑兼爾俱

詩鈔

爲未了人。

三句語入常
家末語亦稱

信子蘭

五言絕句

城上吟

古墓密於艸。新墳浸古道。城外無閑地。城中人易老。

意深貌古絕近六朝
但六朝氣格渾渾

言絕句

太平里尋兵部裴郎中

不語淒涼無限情。荒階行盡又重行。昔年住此人何在。空見槭花秋艸生。

後二語清
淺自然

晚唐第六

丁竟

絕唐卷六